

四庫全書

史部

欽定四庫全書

欽定大清一統志卷三十三至三十二

史部

編修臣錢樾覆勘



易州圖







易州表

漢 三國魏 晉 後魏 齊 周 隋 唐 五代 宋 遼 金 元 明

易州

上谷郡 易州上谷 易州谷 易州武遠 易州

開皇初移郡 郡 郡

南營州於

北改曰易武德四年晉開運二年端拱二  
州大業初復置州屬年入遼周年入遼宣  
改為郡 河北道 顯德六年和四年復  
收復 歸宋以即

名 保定路

故安縣 故安縣 固安縣 固安縣

屬汝郡 屬范陽郡 改名屬范 屬范陽郡

陽國

易縣 易縣 易縣 易縣 易縣 易縣

開皇十六州治開元  
年省為州二十四年

治後為郡 分置禮亭  
縣天寶後

省

易縣 易縣 洪武初省  
入州

初省入州  
至元三年  
復置

五迴縣

開元二十

三年置屬

易州唐末

省

涑水縣

屬涿郡

涑水縣

屬范陽國

涑水縣

涑水縣

周大象二年省入涿縣

涑水縣

關東初改涑水州又置涑水縣開元二十

六年改曰涑水置板

固安六年厚將唐末

置永陽縣十年

改名屬上谷郡

涑水縣

涑水縣

涑水縣

宗太平興國六年省

易縣屬涑水

復置

涑水縣

涑水縣

涑水縣

涑水縣

涑水縣

廣昌縣

前漢屬代仍屬代郡中山國

廣昌縣

廣昌縣

廣昌縣

廣昌縣

省

廣昌縣

周復置

飛狐縣

仁壽初改

武德六年復置

飛狐縣

飛狐縣

飛狐縣

飛狐縣

飛狐縣

飛狐縣

飛狐縣

飛狐縣

洪武初復



欽定四庫全書

欽定大清一統志卷三十

易州

在京師西南二百二十里東西距二百八十里南北距一百八十里東至順天府涿州界七

十里西至山西靈邱縣界二百十里南至保定府安肅縣界五十里北至順天府房山縣界一百三

十里東南至保定府定興縣界三十五里西南至保定府滿城縣界九十里東北至順天府房山縣

界七十里西北至宣化府蔚州治三百里本州境東西距一百四十里南北距一百五十五里東至

涑水縣界二十里西至廣昌縣界一百二十里南至保定府安肅縣界五十五里北至涑水縣界六十

里東南至保定府定興縣界三十五里西南至保定府滿城縣界九十里東北至涑水縣界二十里

西北至宣化府  
蔚州界一百里

分野天文尾分野析木之次

樂史太平寰宇記易  
州星分野尾宿一度

建置沿革禹貢冀州之域周為幽并二州之界戰國

屬燕秦為上谷郡地漢置故安縣屬涿郡後漢因

之魏改涿郡為范陽郡縣屬焉晉屬范陽國後改

曰固安後魏仍屬范陽郡北齊天保七年廢隋開

皇元年自遂城移南營州及昌黎郡於此改曰易

州十六年始置易縣為州治大業初改上谷郡唐

武德四年復曰易州天寶元年復曰上谷郡乾元  
元年復曰易州屬河北道五代晉開運二年入遼  
周顯德六年收復宋揣拱二年復入遼置高陽軍  
宣和四年歸宋賜名武遂郡金屬中都路元初省  
易縣入州太宗十一年割屬順天府至元三年復  
置易縣仍為州治十年屬大都路二十三年還屬  
保定路明初省縣入州屬保定府

本朝雍正十一年升為直隸州領縣二

涑水縣

在州東北四十里東西距三十八里南北距六十八里東至順天府涿州界十八里

西至本州界二十里南至保定府定興縣界十八里北至順天府房山縣界五十里東南至保定府

新城縣界二十里西南至本州治四十里東北至房山縣界二十里西北至宣化府蔚州界三百里

漢置道縣屬涿郡後漢因之晉曰道縣屬范陽國後魏屬范陽郡周大象二年省入涿縣隋開皇初

改范陽為道更置范陽縣于此六年改曰固安八年廢十年又于此置永陽縣十八年始改曰涑水

屬上谷郡唐屬易州五代因之宋太平興國六年省入易縣遼復置金元明因之本朝初與州俱

屬保定府雍正十一年專屬易州 **廣昌縣** 在州西一百八十里東

一百二十里東至州界六十里西至山西大同府靈邱縣界五十里南至保定府唐縣界六十里北

至宣化府蔚州界六十里東南至唐縣治一百四十里西南至正定府阜平縣治二百里東北至宣化府保安州治二百八十里西北至蔚州治一百三十里漢置廣昌縣屬代郡後漢改屬中山國晉仍屬代郡後廢後魏時為靈邱縣地後周復置廣昌縣隋仁壽初改曰飛狐屬上谷郡隋末廢唐武德六年復置屬蔚州遼金元皆因之明洪武初復改曰廣昌仍屬蔚州本朝初屬山西大同府雍正十一年改屬易州

形勢東環拒馬西跨紫荆南襟易水北抵洪崖萬山拱衛千里盤旋寶乾坤聚秀之區陰陽和會之所

州志

風俗士敦簡畧不事浮華民風質樸專力農桑

通志

城池易州城

周九里有奇東西二門舊為土城明隆慶萬曆間相繼甃磚本朝順治中修

乾隆二十二年重修

涑水縣城

周三里有奇門三明永樂中築本朝乾隆四年二十六

年先後重修

廣昌縣城

周三里有奇門二濠廣一文明洪武三年築本朝康熙二十

四年重修

學校易州學

在州治東南元至正中建入學額數十八名

涑水縣學

在縣治西

元至元初建入學額數八名

廣昌縣學

在縣治東元建入學額數十名

崇蔭書

院

在州學西本朝雍正五年州牧彭人瑛建按州舊有五花書院源泉書院凌雲書院乾隆十

三年後州牧周元理黃可潤相繼重修又  
涑水縣有涑陽書院各州縣並有義學

戶口

原額人丁五萬三千九百四十  
七又滋生丁一千一百五十四

田賦

田地四十七百三十一頃六十五畝零額徵地  
丁銀二萬三千七百二十五兩六錢三分零米

豆二千一百六十三石四斗  
零穀一十石四斗四升零

山川

永寧山

即秦寧山在州西五十  
里乾隆元年八月以

世

宗憲皇帝陵寢所在  
敕封為永寧山山勢自太行來巍  
巍聳拔脉秀力豐峻

嶺崇山遠拱于外靈巖翠岫環衛其間前則白澗  
河旋繞而清澗沙溢諸水會之後則拒馬河滌流

而胡良珣瑤大峪諸水會之信也  
天造吉壤億萬世靈長之兆也  
**柳山** 在州東十里又東五里有

翠屏山山半石窟有  
日照泉雖旱不涸  
**荆軻山** 在州西五里相傳為  
荆軻葬衣冠處其說

傳會不足信明萬厯間御史熊文熙題曰  
燕義士荆軻之故里  
本朝乾隆十一年

聖駕經臨  
御製有荆軻山詩  
**萬仞山** 在州西九十里紫荆關南五  
里許高峻壁立又屏山在關

城北夾河環翠如屏障然又對敵山在關東北石  
港口兩山對峙峯巒相匹又九泉山在關東白馬

灣口其上  
有八竇  
**茶山** 在州西九十里紫  
荆關西城石門外  
**芙蓉山** 在州西  
岩九十里

紫荆關西  
北一里  
**鐵貫山** 在州西九十里紫荆關西  
門口相近又有水積山  
**五峯**

**山** 在州西紫荆關西五里  
許相近又有天益山  
**峩山** 在州西百里詩  
峩森列故名  
**駁**



牛山

在州西隋書地理志易縣有駝牛山司馬彪郡國志云山色黑白斑駁其形似牛故名

水出其東舊志

聖女山

在州北五里許俗名

白馬

山

在州北鄴道元水經注

聖女山

覺山下有聖女泉在易縣北八十里郡國志

志云周時人多學道于白馬

大嵬山

在州北三十里綿亘十里

高挿雲霄乃州鎮也相近有洪崖山高萬仞山巔恒有積雪有水東流又北二里有丹霞洞相傳張

果煉丹於此

龍山

在州西南史記正義邢子勵趙記曰龍山四麓各有一穴

山

在州西南水經注易水東經孔山北山下有鍾乳穴穴出佳乳採者蟻火尋路入穴里許渡一

水于中衆穴奇分今出入者疑迷不知所趨每于疑路必有應記返者乃尋孔以自達上又有大孔

豁連洞開故以孔山為名李吉甫元和郡縣志在易縣西南四十五里畿輔通志山有黃伯陽洞深

里許中有二水東西相隔丈許其南為月郎山在明洞北為屯軍山明成祖嘗屯軍於山上

西南水經注代之易水出代郡廣昌縣東南郎山東北燕王仙臺東臺有三峯甚為崇峻騰雲冠峯

高霞翼嶺岫壑冲深含烟罩霧者舊言燕昭王求仙處其東謂之石虎岡中山間王之定也棣派郡

山石以樹墻壁陵隧碑獸並出此山山有所遺二石虎後人因以名又徐水東北逕郎山南山水競

舉若豎鳥翅立石巖亦如劍杪極地險之崇峭漢武之世袁太子以巫蠱出奔其子遠適斯山故

世有郎山之名隋書地理志永樂縣有郎山太平寰宇記在易縣西南四十里舊志在州西南九十

里  
**樊館山** 在州西南七里俗傳為樊於期投首處又名血山今有村  
**峨着山** 在

西南一百里  
一云齊着山 **五迴山** 在州西南與滿城縣接界水  
經注徐水出廣昌縣東南大

嶺下世謂之廣昌嶺嶺高四十餘里二十里中委  
折五迴方得達其上嶺故嶺有五迴之名下望層

山咸若蟻蛭實蕪孤山之稱亦峻峻也太平寰宇  
記在易縣西九十里舊志五迴山在州西南一百

二十里亦曰五迴嶺俗又訛為  
五虎嶺其相接者曰狼牙塔 **馬頭山** 在州西北  
即古窮獨

山也水經注濡水出故安縣西北窮獨山舊志馬  
頭山在州西北三十里其巔有寨又峩磨山在州

西北五十里有崖 **長堤山** 在涑水縣西十里高脊  
南俯俗名白臉山 突峙可以眺遠又石龜

山在縣西二十里山巔有石其狀如龜內有巖可  
容千人下有龍湫山左一洞深不可測相傳外狹

內寬有路 **雲溪山** 在涑水縣北三里許山形奇秀  
可通廣昌 白雲常樓其上又有亭山在縣

北三十里以山形

### 塙山

在涑水縣北三十里形如峭壁故名

### 金山

在涑

水縣北四十里山勢聳峻起羣峯有一嶺名朝陽其色如金一名金絲山昔人嘗結寨于此俗呼

人安寨

### 傳房水山

在涑水縣北四十里又西為竹子纏山地多叢竹因名

### 龍灣

山在涑水縣北五十里高峯卓立俗名鐵裏寨山下有鐵鎖崖崖下有龍潭水分為二流一入涑

水一入涿州界又天堂山在縣北六十里山勢峻爽俗呼天堂寨

### 武山

在涑水縣西北九里山下

平坦可以用武或曰四檀山周圍如列劍戟故名

### 檀山

在涑水縣西北水經注檀山水出迺縣西

北檀山舊志檀山在縣西北三十里與白楊嶺相連濡水逕其下峯巒秀麗中多檀木又樂平山在

縣西北十七里即檀山之支峯也

### 紫涼山

在涑水縣西北三十里高百餘丈山深谷空樹

木蔭翳涼風逼人  
山之西有馬龍山  
**釜山** 在涑水縣西北三十里形如覆釜山腰有龍潭深不可測遇旱禱雨即應相近曰龍

宮山中有石洞出泉漚而不流  
**水峪山** 在涑水縣西北三十

五里半崖  
有沈泉  
**龍安山** 在涑水縣西北四十五里山高

居之  
**偏竹山** 在涑水縣西北  
**孤山** 在廣昌縣東二十五里平地突

起  
**香山** 在廣昌縣西少南十里  
**白石山** 在廣昌縣南二十五

里山峯嶙峋秀如翠屏上  
有雲臺朝陽洞雲出必雨  
**神仙山** 在廣昌縣南一百十里高四十

里亦名  
**聚雲山** 在廣昌縣北十里  
**牛心山** 在廣昌縣東南五里

**旗山** 在廣昌縣西南三里  
名七山高五里巨馬水出焉  
**登梯山** 在廣昌縣

西南三十里內有古剎石磴木棧登  
陟如梯上有幽林瀑布為縣之勝  
**野狐山** 在廣昌縣

東北十里山  
多狐常夜鳴  
**黃土嶺** 在州西南九十里路達廣昌縣有城舊設兵防禦  
**紫**

**荆嶺** 在州西八十里峯巒環列嶺上即紫荆關路  
連山西大同舊志關東有拍梯連泉夫寒八

若唐朝退魚佛兒諸嶺關北又有耽泥鞞頭笛兒  
駱駝諸嶺關南又有接天嶺關西又有薄兒嶺參

差相接真天  
設之險也  
**白楊嶺** 在州西北水經注白楊水出  
道縣西山白楊嶺下舊志嶺

在州西北四十里路通蔚州嶺  
多白楊樹故名俗訛為白羊  
**奇峯嶺** 在州西北四十里有

奇峯口口外烏龍金  
水諸溝衝要處也  
**官座嶺** 在州西北五十里四  
山環拱一徑而入

若官座舊有官座巡司又西  
五里為官座口皆戍守處也  
**大覺嶺** 在涑水縣北  
經注涑水北

運小蠻東又東運大蠻南蓋霍原隱教授處也  
太平寰宇記大蠻嶺在易州北一百九十里

**鐵**

**嶺**

在廣昌縣東三十里石狀如  
鐵其下為浮園峪詳見開陞

**驛馬嶺**

在廣昌縣  
西四十里

**黑石嶺**

在廣昌縣北六十里與  
蔚州接界石多黑色

**揷箭嶺**

在廣昌縣  
東南三十

里相傳宋將楊延朗揷箭其上亦曰揷箭峪明嘉  
靖三十年俺答入大同趨紫荆揷箭浮圖等峪

即此又縣南四十里有祭刀  
嶺相傳為楊延朗祭刀處

**星月巖**

在州西六十  
里頂有二穴

巖者如月  
圓者如星

**獅子巖**

在廣昌縣東北二十里嶺上  
有天生石獅亦名獅子峪

**鷓鴣**

**窠崖**

在廣昌縣西六十里有  
洞產鐵舊設銀山冶

**送荆陘**

在州西南水  
經注電水又

東歷送荆陘北舊書云燕丹餞荆軻於  
此故名太平寰宇記在川西南三十里

**乳水洞**

在

西七十里寬四丈許有石槽十二畿輔通志每歲正月十六日自西至東鄉民循次而占某月旱則

某槽無水某月雨則某槽有水多奇中 **易水** 在州南源出州西東流

名中易水周禮職方氏并州其浸洙易戰國策蘇秦曰燕南有序沱易水漢書地理志故安縣開緡

易水所出東至范陽入濡水經注易水出故安西山寬中谷東逕五大夫城南又東左與子莊溪水

合又右會女思谷水又東屆閔門城西南與峇石山水合又東歷燕之長城又東逕新離城南又東

逕武陽南兼武水之稱左得濡水支津世又謂為故安河又東出范陽與濡水合元和郡縣志易州

因州南三十里易水為名按太平寰宇記易水有三濡水為北易電水為南易北為中易以在濡

電之 **南易水** 在州南六十里源出州西南東流入中 **也** 保定府安肅縣後漢書郡國志故安



雷水出水經注代之易水出代郡廣昌縣東南部  
山東北石虎岡東其水東流有雷水南會渾波

同注俗謂之為雷河後漢世祖今耿况擊故安西  
山賊吳耐齋符雷上十餘營皆破之即是水也又

東逕西故安城南即閭鄉城也盛送荆陘北又東  
屈逕長城西又東流過武遂縣南班固關駟之徒

咸以斯水謂之南易**濡水**在州北即北易水也東南入定興  
縣界漢書地理志故安縣濡水亦

至范陽入涑水經注濡水出故安縣西北窮獨山  
南谷東流與源泉水合又東南逕樊于期館西又

東南逕荆軻館北又東逕武陽城西北舊竭支流  
南入城逕相支西故瀆南出屈而東轉又分為二

瀆一水東注金臺陂一水逕故安城西側城南注  
居水濡水自堰又東逕紫池堡西屈而北流有渾

塘溝水注之又東至塞口古壘石堰水處也濡水  
舊支分南入城東大陂今無水濡水又東得白楊

水口東合檀山水又東南流于容城縣西北大利  
亭東南合易水而注拒馬水太平寰宇記北易水  
一名安國河舊志在州北三十里源出州西北會  
數水入定興縣界為沙河即古瀉水也按廣輿

記謂瀉水出州北窮獨山一名聖女水後又名之  
曰安國河實為三易上源之一瀉應讀如字與永

平乏瀉音乃官反者無涉舊志誤如葦合不知北  
方稱瀉水者不一如涿郡之瀉則說文所謂出安

東入漆涑者是也河間之瀉則左傳所謂出高陽  
者是也并易州之瀉數之是在真隸境內者已有

三源蓋取瀉潤為義  
故多蒙以此名耳  
**渾塘溝水**  
在州北水經注渾  
塘溝水出道縣西

白馬山南漢中  
東南流入瀉水  
**子莊溪水**  
在州西南水經注子莊  
溪水北出于莊閔南流

運五公城西屈運其城南東南入于易水舊志在  
州西南六十里有水自紫荆關南流入白澗即此

女思谷水

在州西南水經注女思谷水出西南女思澗東北流注于易謂之三會口又磬

石山水源出廣昌縣之磬石山東流逕覆釜山下東注易水舊志在州西南五十里其東為磬石水

徐水

在州西南八十里東流入保定府滿城縣界水經注徐水出廣昌縣東南大嶺下三源奇

發齊馮一澗東流北轉逕東山下又北流西屈逕南巖下又隨山南轉逕東崖下又屈東北逕即山

又屈逕其山南又逕北平縣界盛石門中又東南出山逕其城中明統志雷溪在易州西南發源五

迴嶺即徐河上流也灘石湍急聲聞數里苔雷鳴然金秦和中賜名**涑水**一名拒馬

昌縣南東流轉南逕涑水縣東又南入保定府定興縣界漢書地理志廣昌縣涑水東南至容城入

河過郡三行五百里并州浸水經注拒馬河出代郡廣昌縣涑山東過道縣北即涑水也有二源俱

發洩山東逕廣昌縣故城南又東北逕西射魚城東南又逕東射魚城南又屈逕其城東又逕三女亭西又逕樓亭北左屬白澗溪又東北乘谷水注之又北逕小營東又東逕大營南又東北歷紫石漢口與紫水合又東南逕榆城南又屈逕其城東又南逕藏刀山下又東逕徐城北挑水出焉又東督元溝出焉一水東南流即督元溝一水西南出即洩之故瀆於道縣北垂重源再發結為長潭潭廣百步許長數百步左右翼帶涓流控引其水自成湖渚長川漫下十一里許東南流逕道縣故城東謂之拒馬河亦曰渠水又東南逕范陽縣故城北元和郡縣志洩水在涑水縣東北二里廣昌縣志拒馬河在縣南半里源出七山下少東與涑水合流涑水在縣東一里源出北崖古塔下通拒馬河經紫荆關流入涑水縣界一源發于閨內東南亦名涑水泉從墻下水口流于涑水畿輔通志拒

馬河即涑水也在涑水縣東三里自順天府房山縣分流入縣界至定興入白溝河按涑水現有二源以諸志考之其出縣東泰山廟前古塔下者為涑水出縣南七山坡下者為拒馬河二水合流于城東稍南之泉坊村由是拒馬涑水互受通稱夫至拒馬一作巨馬然州志謂以晉劉琨守此拒石勒得名則作拒為長又按州境諸水拒馬最為寬深春冬不涸每遇

皇上恭謁  
秦陵鑿與經此屢有

御製詩

### 督亢溝水

在涑水縣北水經注督亢溝水上承涑水于涑谷引之則長津委注過之

則微川輟流東南流逕道縣北又東逕涿縣舊志今有稻子溝在縣東十五里即拒馬河分流入新城縣界曰馬村河又有清水在縣西  
**桃水** 在涑水北三十里東南流至縣北入拒馬河  
縣北東

流入涿州界水經注桃水首受涑水于徐城東南  
良鄉西分涇水世謂之南涉溝東逕甌縣北又東

逕涿縣故城下 **白澗水** 在涑水縣西北水經注涑水逕樓  
亭北左屬白澗溪水有二源合注

一川川石皓然望同積雪故名其水又東北流謂  
之石槽水伏流地下溢則通津委注謂之白澗口

**紫石溪水**

在涑水縣西北水經注紫石溪水出壘  
人城北大巨下東南流左會壘礪溪水

水出東北西南流注紫石溪水紫石溪水又逕壘  
人城東又東南右會擔車水水出擔車礪東南流

逕聖人城東南注紫 **五里河** 在州東五里源出州  
石水又南注于涑水 北梁村南流至定興

縣界合源泉 **安河** 在州西北即源泉水水經注濡  
水入易水 水東流與源泉水合水發此漢

西北注濡水舊志出白楊嶺下由西  
轉東而南入易水乾隆二十六年奉

旨疏濬建石壩石閘各三自源泉起處開渠道千餘丈  
導流東注由山厥城以達蕪城河西南流出水閘

歸北易水溉田甚廣工峻  
賜名安河有

御製詩紀事其旁建亭館數楹二十八年以後  
迺欄河  
皇上經臨駐蹕屢有題詠

在涑水縣西十五里源出樂平山麓至  
定興入沙河按水經注檀山水出迺

縣西北檀山西南南流與石泉水會又東南流歷  
故安縣北南注濡水疑即此距河二里為秋瀾村

其地建行宮

皇上展謁

秦陵往來 駐蹕歷年有

御製詩

唐河

在廣昌縣南即滌水自  
山西靈邱縣流入又東

南入保定府唐山縣水經注滌水逕御射臺東南  
過廣昌縣南又東逕倒馬關廣昌縣志唐河亦名

湯河在縣南六十里水勢澎湃舊可行筏

**金臺陂**

在州東水經注濡水枝津東出金臺陂

東西六七十步南北五十步側陂西北有釣臺高大餘

**木瓜澗**

在廣昌縣東南四十里相

傳唐乾寧中晉王李克用討劉仁恭於此又縣南五十里有搏虎岡相傳晉李存孝嘗搏虎于此

**馬跑泉**

在州東北二十里許相傳唐太宗征高麗駐蹕於此馬跑得泉故名又有馬跑泉在

廣昌縣南七十里俗傳宋楊延昭屯兵于此馬跑得泉今此山大石上有延昭題福勝地三字距湯

里河七里

**古蹟故安故城**

在州東南戰國燕武陽邑史記趙孝成王十九年趙與燕易土燕以武陽

與趙即此漢置故安縣屬丞郡文帝後三年封申屠嘉為侯國晉曰故安建武初段匹磾討石勒進



屯故安是也水經注易水東逕武陽南蓋易自寬中歷武夫關東出是燕武水之稱故燕之下都檀

武陽之名武陽大城東南小城即故安城之故城也城東西二里南北一里半今水破城東南隅武

陽蓋燕昭王之所城也東西二十里南北十七里北齊縣廢隋移故安之名于幽州方城而改置易

縣于此為易州治元和郡縣志易縣隋于故安故城西北隅置故城即燕之南鄙周圍約三十里武

陽故城在縣東南七里太平寰宇記隋開皇元年自英雄城移南營州居燕之侯臺仍改名易州故

安故城在易縣東南七百步武陽故城東南隅高齊天保七年省舊志廢易縣在州東二里

**營**

**邱故城**

在州南魏天平四年置營邱郡屬南營州北齊廢舊志營邱城在州南三十里又太

平寰宇記有平塞軍太平興國六年以易州南三十五里太保村塞置七年又置平塞縣為理宋志

不載蓋尋廢也通縣故城在涑水縣北漢置屬汲郡景帝中三年封匈奴降王陸彊為侯

國後漢亦為侯國魏書地形志通縣有南北二通城後周省隋改置涑水縣于此蕭德言括地志通

故城在涑水縣北一里元和郡縣志涑水縣西南至易州四十二里本漢通縣舊志漢時故城在拒

馬河西北二里俗名周城後徙縣治北一里之北莊俱為易水所地乃移今治廣昌故

城在今廣昌縣北漢置縣屬代郡高帝末樊噲擊陳豨得棊母印于廣昌曹魏封樂進為侯邑晉

後廢水經注魏氏土地記曰代城南二百里有廣昌城後周復置廣昌縣隋改曰飛狐括地志廣昌

故城在飛狐縣北七里元和郡縣志飛狐縣西北至蔚州一百五十里隋末陷賊武德六年重置寄

理遂城縣界貞觀五年移還今所太平寰宇記周大象二年于五龍城復置廣昌縣即今邑也

五

迴廢縣

在州西一百里唐置元和郡縣志縣東至易州七十里本漢北平縣地開元二十三年

年刺史盧暉奏置在五迴山東麓因名之二十四年刺史田琬以其險隘東遷于五公城在今易縣

西五十里

唐末廢

樓亭廢縣

在州西北水經注涑水逕樓亭北左屬白湖溪唐書地理

志開元二十四年析易縣置樓亭板城二縣天寶後省舊志樓亭廢縣在州西北四十里奇峯口今

為樓板城廢縣

在涑水縣北畿輔通志唐開元二十三年置天寶後廢

古燕

城

在州南五里廣袤六十里相傳昭王後都於此東西內外皆有土臺本朝乾隆十五年

聖駕經臨

御製有燕昭王故城詩

長城

在州西南十里水經注易水東屈開門城西南即燕

之長城門也又東歷燕之長城

荆軻城

在州西水經注濡水東南逕樊於期館西是其後首

於荆軻處也又東南流逕荆軻館北昔燕丹尊軻  
上鄉館之于此二館之城澗出泉清山高林茂風  
烟披薄觸目怡情方外之士尚憑依舊居取暢林  
木元和郡縣志樊於期城在易縣西十三里太平  
寰宇記荆軻城在縣  
**漸離城**在州西南水經注易  
西九里周迴二里水歷長城又東逕漸  
離城南蓋太子丹館高漸離處也太平寰宇記在  
易州西南六十里即漸離所居舊志又有高麓店  
在州東南  
**五公城**在州西水經注易水東逕五大  
二十五里夫城南昔北平侯王譚不同王  
莽之政子興生五子並隱居此山故其舊居世名  
以為五大夫城又子莊溪水流逕五公城西屈逕  
其城南五公即王興之五子也光武即帝位封為  
五侯元才北平侯益才安喜侯顯才蒲陰侯仲才  
新市侯季才唐侯所謂中山之五王也俗又以五  
公名所居太平寰宇記五公城在州西三十里又

西三十里有  
五大夫城

### 野狐城

在州東三十二里太平寰宇記在易縣東三十里耆老云

昔有狐於紫荆嶺食五粒松子得仙謂之飛狐其  
孤常來止此時又呼為野狐城按遼史地理志隋

改廣昌縣曰  
飛狐以此

### 山廠城

在州西北三里明宣德五年  
立山廠於平山後遷州西沙

峪口景泰間移置滿城縣天順元年又移  
於此歲採薪炭楊木荆條入惜薪局後廢

### 射魚城

在涑水縣西水經注涑水東北逕西射魚城東南  
又逕東射魚城南又屈逕其城東竹書紀年曰荀

瑤伐中山取窮魚之邱窮  
射字相類疑即此城也

### 聖人城

在涑水縣西北  
水經注紫水北

出聖人城北大亘下  
其東又有榆城徐城

### 石泉城

在涑水縣西北水經  
注石泉水出石泉固

園在衆山之內平川之中四周絕澗阻水八丈有  
餘石高五丈石上赤土又高一丈四壁直立上廣

四十五步水之不周者路不容軌僅通人馬謂之石泉固元和郡縣志石泉故城在縣西北三十里

紂王城

在廣昌縣東十五里相傳紂使比干築此中有比干廟

茂山故衛

在州

治南明初建于保定府城內景泰元年移置于此本朝順治十一年裁

黃金臺

在州東南

王隱晉書段匹磾討石勒屯故燕太子丹黃金臺上谷郡圖經黃金臺在易水東南燕昭王置千金

臺上以延天下士水經注金臺陂北十餘步有金臺臺上東西八十許步南北加減高十餘丈昔慕

容垂之為范陽也茂之即此臺北有蘭馬臺悉高數丈秀峙相對翼臺左右水流逕通長廊廣宇柱

礎尚存者舊言昭王廣延方士不欲令諸侯之客伺隙燕邦故修建下都館之南垂燕昭創之于前

子丹踵之于後郡城敗館尚傳鐫刻之名太平寰宇記金臺在易縣東南三十里俗呼為東金臺又

有西金臺在縣東南二十里小金臺即蘭馬臺俱在縣東十五里按都城定興安肅及易州皆載

有金臺乾隆十一年

皇上鑿輿經此有

御製用沈德潛詞詩并序謂在易州者似為有提或當時昭王巡訪心切置臺原不一其處於是志乘家之彼此引重者可

**三公臺**

太平寰宇記在易縣東南十八里其臺相去三

十六步並高大燕昭王所立樂毅郭侯臺

太平寰宇記在

易州子城南西南隅燕昭王所築以侯雲

**三河冶**

在廣

昌縣南元和郡縣志三河冶舊置爐鑄錢至德以後廢元和七年中書侍郎李吉甫奏飛狐縣三河治銅山約數十里銅鑪至多去飛狐錢坊二十五里兩處同用拒馬河水以水斛銷銅北方諸處鑄

錢人工絕省所以平日三河治置四十爐鑄錢舊跡並存事堪覆甯詔從之置五爐鑄錢時易定河

東久用鐵錢人不堪弊至是俱受利焉 **御射碑** 在州西南水經注徐

有御射碑又北流西屈水陰又有一碑又隨山南轉運東崖下水際又有一碑凡此三銘皆翼對層

崖石文云太延元年十二月車駕東巡還五迴之險途覽崇峯之竦峙乃停駕路側援弓而射之飛

矢踰于崖山刊石用讚元功夾 **鐵像頌碑** 在州治碑並有層臺二所即御射處也 唐開元

二十七年王端撰錄靈芝書

**關隘紫荆關** 在州西即太行蒲陰陘也地記太行八陘第七陘為蒲陰亦曰子莊關水經注

子莊溪水北出子莊關是也宋時謂之金陵關金元以來皆名紫荆舊志關在州西八十里西南去



浮圖峪七十里去廣昌縣一百里路通宣大各四百七十里共有大小隘口一百五處山谷崎嶇易

於控扼為京師西偏重地明初設千戶所守禦正統十四年增設守備正德三年改守備為參將九年又改副總兵嘉靖三十六年重築新城本朝

康熙三十二年移副將于正定改設參將駐此新

志今轄白石口廣昌營浮圖峪烏龍溝寧靜庵五營

### 倒馬關

在廣昌縣南七十里東南至定

州二百五十里其西十里為岳嶺口詳見保定府

### 乾河口關

在涑水縣北五十五里明

初置巡司久裁又六都關在縣北七十里白馬關在縣北八十里龍門關在縣北一百里

### 盤石

口在州西九十里內連紫荆關十里外通烏龍溝口六十里其西二十里為塔崖口舊志巡司及

驛後廢又周二溝口瓦窰安口蔡家峪口俱在盤石口東西小龍門口黃沙口皆在盤石口西南又

西即烏龍溝口也

### 奇峰口

在州西北四十里外通金水口六十里其

西二十里曰官座嶺口其東北三十里曰東峪口又十里曰沙峪口外通馬水口一百四十里

### 烏

### 龍溝口

在州西紫荆關西北六十里接廣昌縣界外口要衝也今有把總駐防其東北曰金

水口在紫荆關北八十里今有官兵戍守又東即馬水口也

### 馬水口

在涿水縣北西北二

百里其地山勢雄壯巖岫相連舊稱京師右輔明永樂八年始設守軍景泰二年建北門正城又建

圍城于北嶺上嘉靖二十三年設守備把總三十年改守備為參將本朝順治十年改設都司

兼轄大龍門金水口又柏連湖口在縣西北二百五十里又東北二十里曰道水口又十五里曰定

樂安口又五里曰大龍門口今有把總駐防又北即宛平縣界

### 飛狐口

在廣昌縣北其地兩

崖峭立一線微通迤瀝蜿蜒百有餘里漢初郡食其說高祖距飛狐之口文帝後六年匈奴入上郡雲中以令免為車騎將軍屯飛狐後漢建武十二年盧芳與匈奴連兵盜邊詔王霸與杜茂治飛狐道築起亭障自代至平城三百餘里晉地道記自上曲陽縣北行四百二十五里恒多山坂故名飛狐口後魏太和六年發州郡五萬人治靈邱道自代郡靈邱南越大行至中山靈邱道即飛狐道也元和郡縣志飛狐道自廣昌縣北入妯州懷戎縣界即古飛狐口也舊志飛狐口在廣昌縣北二十里山北諸州之襟喉也今其地東走宣府西趨大同商賈畢集于此紫荆倒馬兩關恃飛狐為外險

### 浮圖峪口

在廣昌縣東三十里路出紫荆關明景泰二年建城設守備尋罷本朝設把

總駐守其南二十餘里即棹箭廟當紫荆倒馬二關之際今設守備把總駐防

### 寧靜庵口

在廣昌縣東南三十里北接浮園峪路通州界  
五迴嶺明景泰三年築僅置戍今設官兵汛守 白

### 石山

在廣昌縣南白石山路通正定保定明嘉靖三十年築城設守備駐此後罷 本朝初設

守備雍正十年改設都司 狼牙口 在廣昌縣西南八十里又有九宮口松子口皆在縣東北

接蔚州界 黃莊 在涿水縣西北一百二十里黃免莊明置巡司後廢今復設 金陂鎮

在州西五十里明洪武七年置巡司嘉靖中廢又五迴嶺奇峯口官庄嶺明初俱置巡司皆久裁

### 西水寨

在州西南八十里即山上四面險絕惟一徑板接可上相近又有姑姑窩寨又白虹

寨種金寨冶里寨燕窩寨白保寨人安寨俱在州西南一堵墻寨馬頭寨白壁寨龍門寨俱在州西

北朝天寨東流人安寨 在涿水縣北金山上又鐵窩寨俱在州北 龍灣山天堂

寨在縣北  
天堂山

孟良寨

在廣昌縣東三十里又對節寨  
在縣南三十里以山木枝節而

名栲栳寨在縣西南三十五里漫文  
寨今名蔓菁寨在縣東北三十里

良各莊

在州  
城西

十五里為辰謁

秦陵往來孔道建有

行宮每

清蹕經臨屢

有題咏

龍華店

在州西四  
十五里

清苑驛

在州治東北明  
洪武七年置

上陳驛

在州西紫荆關城內明洪武七年置于關  
東十五里後移于此今有驛丞兼掌巡司

事

香山驛

在廣昌縣治東又倒馬驛  
在縣西南五十里俱明置

津梁鎮遠橋

在州西  
關外

明秀橋

在州西廠東關又  
廠西關有全惠橋

通欄

橋

在涑水縣西  
跨通欄河

昇平橋

在涑水縣東北十  
五里永遠大道

泰安橋

在涑水縣西十五里  
永遠大道  
**涑源橋**  
在廣昌縣東一里涑水上  
其地水流環遠林木清幽

**堤堰廠西石堤**

在州西廠西石橋北又有東西石橋  
開在廠西開外俱明成化四年建  
**長**

**堤**

在涑水縣西自通欄鋪直抵北山以防通欄之水

**安河壩**

在州西自源泉村起至易

水長二十三里乾隆二十六年建石壩及閘以洩水勢

**三官廟石壩**

在州西北五里

**陵墓周燕昭王墓**

在州東十里地名陵山

**郭隗墓**

在涑水縣東十里

**晉**

**祖逖墓**

在涑水縣東北二十里祖各莊乾隆十五年

皇上清蹕所經御製有詩

**宋楊延昭墓**

在廣昌縣南八十里范家莊

**元何瑋墓**

在州北二十里

**明張鵬墓**

在涑水縣西二里

**霍思墓**

在州西荆軻山東南

**劉**

斯潔墓

在州西十五里

祠廟北嶽廟

在州西北八里元至正間建明弘治間修按州志載孔天允北嶽祠記言宋

大中詳符封元至正間始構祠舊志以為宋祥符建者悞至北嶽祠在上西陽不應在此孔記亦謂建祠之由舊說不經不足據今始仍舊載之

漢昭烈廟

在涑水縣東明嘉靖中建此

千廟

在廣昌縣東南十里牛心山上

名公祠

在州署東北

四賢祠

在州南易

水旁祀郭隗樂毅劇辛鄒衍像皆元時工人劉鑿所為極其精巧本朝乾隆十一年

聖駕臨臨御製有詩

樊將軍廟

在州西十里祀樊於期

衛公廟

在涑水縣南明正統間建

祀李靖

李存孝廟

在廣昌縣東北十五里

三忠祠

在州西北紫荆閣明正統

問額森率兵臨城都御史孫祥太監雙節祠在州  
阮堯民都指揮韓清死之奉勅建祠

南明王德間上蔡令霍恩以劉瑾擅逆羣盜蜂起  
預為嚴守具賊齊彥名遣騎勅降恩戮之賊悉衆

攻城被執罵不止賊以刃揮其舌罵益厲遂被害  
贈光祿少卿諡忠烈妻劉氏先一日自縊贈宜人

建祠  
并祀

寺觀華嚴寺

在州西南二十五里隋開皇中建

開元寺

在州治東唐時建

興

國寺

在州東北一里宋太平興國中建

上雲集寺

在州東北三十里遼壽昌五年

建東寺

在涑水縣治東南隅金天定中建

白楊寺

在涑水縣西北石泉城水經注

寺側林木交蔭叢柯蔭景沙門釋法澄建刹于其上

閻院禪林

在廣昌縣治北街俗名大



寺東漢時創建唐尉遲恭重  
修有碑記置僧會司於內

### 名宦唐慕容孝幹

武德五年為易州刺史蔚州總  
管高開道反寇易州孝幹死之

姜

### 師度

魏人神龍初為易州刺史嘗鑿渠  
以通餉路罷海運尋遷司農卿

張孝忠

奚

種肅宗時總制易州諸屯十餘年威惠流聞授易  
州刺史詔置軍名義武以孝忠為節度朱滔叛招  
孝忠啗以金帛皆不受乃浚溝壘修器械感勵將  
士乘城固守遂全其軍卒後子茂昭代為節度入  
朝順宗遣之鎮元和中請舉宗還朝代者至奉而  
州符節管翰圖籍歸之先勅妻子上道戒曰我使  
汝曹出易庶後世  
不為汙俗所染

### 任迪簡

萬年人德宗時為易定  
昭會殿公私屈乏欲饗士無所給至于下同糲食  
身居戡戶踰月軍中感其公隋安卧內迪簡乃許

三年上

宋賀惟忠

性剛果知書曉兵法在易繕完

每乘塞用兵所向必克

裴濟

河中人太宗時監軍

以勞遷西頭供奉官

遼楊佖

南京人開泰中知易州治尚清

計備而出之

蕭文

遼外戚壽隆末知易州兼西南

時大旱百姓憂甚文禱之輒雨屬縣又蝗文反躬

自責蝗盡飛去會雲雨

蕭陽阿

乾統元年易州刺史

以事至州怙寵恣橫為陽阿所阻彥良歸妾加毀

使觀家

金靖安民

永興縣人定興三年封易水公十

所居山寨守寨提控馬約等以安民妻子及老弱  
出降安民軍中聞之駭亂衆議欲降以保室家安

民及經歷官郝  
端不從遂遇害  
**明李某**  
夫名河南太康人建文時  
任廣昌令燕王兵至守義

不屈墜城死妻亦自經子曰東道方幼土屯里  
老張真匿為己子宣德間復姓今為廣昌望族  
**張**

**友聞**  
洪熙時為易州判官以冗員當汰却民言其  
律已嚴處事公勤於撫字乞改督本州馬政

仁宗  
納之  
**孫大祈**  
黃岡人萬曆時知易州三值大荒親  
賑飢民存活數十萬礦使橫虐力抗

被  
論

**本朝韓璵**  
沁水人順治十六年為易州兵備道下車  
徧訪民間利病而罷行之丁母憂去民送

至回閭尚  
不忍還  
**沈志禮**  
山陰人以蔭授易州知州康熙  
六年水潦溢入城中志禮晝夜

疏導水退

民賴全活

甘汝來 江西奉新人康熙五十七年由進士任涑水令邑有鴉鵲人畢

哩克者恃勢強占民屋且毆民至死汝來鎔其黨畢哩克至公庭大噪汝來並鎔而痛鞭之夜逸去

乃誣奏汝來來

旨發吏兵刑三部質審涑人匍匐申訴者不可勝數吏議以

擅鎖職官請削籍

特旨復職自此强悍斂跡後調去累官至吏兵二部尚

書

人物晉祖納

字士言范陽通人性至孝少孤貧常自炊爨以養母元帝作相引為軍諮祭酒

温嶠以納州里父黨敬而拜之嶠既為時用威言納有名理除光祿大夫祖逖 字士雅

慨有節高博覽書記該涉古今見者謂有贊世才具與劉琨俱為司州主簿共被同殿中夜聞荒雞

鳴蹴坭覺曰此非惡聲也因起舞京師大亂率  
親黨避地淮泗元帝微為軍諮祭酒以社稷傾覆  
常懷振復之志尋為豫州刺史渡江擊楫誓曰不  
清中原而復濟者有如大江遂部兵與石勒相持  
由是黃河以南盡為晉土卒

### 南北朝宋祖冲之

字

遠通人稽古有巧思初元嘉中用何承天所製歷  
比古十一家為霖冲之以為尚疎乃更造新法上  
表言之孝武令善歷者難之不能屈著易老莊義  
釋論語孝經注九章造級術數十篇官至長水校  
尉子暉之字景燦巧思入神以父所

### 梁祖皓

暉之子志

造歷時尚未行更修之官至太府卿  
節慷慨有文武才畧少傳家業善筭歷大同中拜  
廣陵太守侯景亂皓起兵襲殺其將軍紹先馳檄  
討景景引兵圍之城  
破被執車裂以徇

### 北魏祖瑩

字元珍通人年八

為中書學生執書聲譽甚盛內外親屬呼為聖小  
兒及長好屬文與陳郡袁翻齊名累官車騎大將  
軍瑩以文章見重嘗語人曰文章須自出機杼成  
一家風骨何能與人同生活也性爽使有節氣士  
有窮厄以命歸之必見

### 朱長生

廣昌人孝文時為  
散騎常侍使高車

存拯士亦以此多之

于提為副高車王欲降之長生與提勵聲曰烈士  
寧畏死耶食之拘三年還孝文嘉其節拜河內太

守與提並  
賜男爵

### 宋田敏

字子俊本易州牙吏雍熙中曹  
彬為獻阻兵涿州敏應王繼恩

募由岐溝閣持書抵彬彬上其事太祖召見補易  
州靜岩指揮使遠攻北唐河大將李繼隆為獻所  
乘敏以百騎擊走之咸平中賊寇於遂城西羊山  
斬獲無算連北平若總管謀知遠王去北平十里  
夜襲其營獻大驚遂引象去歷官至儀  
州防禦使在邊二十餘年功伐最盛

### 金張通古

字樂之易州易縣人讀書過目不忘該綜經史善屬文遼天慶二年進士第補樞密院令史遷去屏

居太寧山下金侍中劉宗彥與通古素善爲之因任金天德初拜司徒封瀋王海陵御下嚴厲親王

大臣未嘗少假以顏色惟見通古必以禮貌正隆初致仕進封曹王通古天資樂易不爲表暴雖居

宰相自奉**任詢**字君謨易州軍市人爲人慷慨多如寒素馬**張元素**字潔古易州人八

登正隆二年進士歷益部判官北京曠使致仕**張元素**字潔古易州人八

七試經義進士犯廟諱下第乃去學醫無所知名夜夢有人用大斧長鑿鑿開心竅納書數卷於其

中自是洞澈醫術治病多**麻九疇**字知幾易州人不用古方自爲家法云**麻九疇**三歲識字七歲

能草書作大字一時目爲神童章宗召見問汝入宮殿中亦懼怯否對曰君臣父子也子寧懼父耶

上大奇之既長博通五經於易春秋尤長興定未  
試開封府詞賦第二經義第一再試南省復然聲  
譽大振雖婦人小兒皆知其名正大初  
特賜進士官至應奉翰林文字謝病去

**元趙柔**

水

人有膽畧善騎射好施于金末避兵西山柵險以  
保鄉井時剽伯元等亦各聚眾數千聞柔信義共

推為長柔明號令嚴約束為眾所服太祖破紫荆  
關柔以眾歸投汝易二州長官後羣盜並起柔單

騎說降其眾以功累遷正定汝等路兵  
馬都元帥卒追封天水郡公諡莊靜

**何伯祥**

易州

易縣人從張柔來歸太祖平河朔伯祥擒其賊將  
王子昌悉平西山諸寨拔洛陽破蔡州論功居多

授易州等處軍民總管以功賜錦衣金甲世祖南  
伐伯祥參預軍事多所獻納卒追封易國公諡武

昌

**鞏彥暉**

易州人以武勇攝代兄彥榮為百戶隸  
十戶何伯祥麾下從伐宋破襄陽泗州



之役諸將無敢渡整水者彥暉徑渡殺其將登月  
城將下顧伯祥失所在乃反求之力戰翼伯祥以  
出由是伯祥與彥暉如親兄弟事聞授銀符牌兵  
渡江次武昌宋援兵四集彥暉逐之伏出被圍彥  
暉矢盡遂投水中敵援之  
而出戴歸江州不屈死

**何瑋**

伯祥次子始襲父  
職知易州以平宋

功歷遷御史中丞陳當時要務十條成宗崩丞相  
阿瑚奏奉皇后旨集廷臣議祔廟及攝政事瑋難  
之阿瑚奏變色曰中丞謂不可行獨不畏死耶衆  
皆危懼瑋從容曰死畏不義耳苟死于義夫復何  
畏武宗即位歷官河南行中書省平章政事卒追  
封梁國公諡文正 阿瑚奏潛作阿忽臺今譯改

**敬儼**

字成卿易州人父文長有學行官至太常博  
士儼嗜學善屬文初選充中書省掾朱清張

瑄為海運萬戶豪縱不法適儼與其父積嘗致厚  
賂儼怒拒之二人伏誅權貴多以賄賂連坐惟儼

不與大德中為監察御史  
累官平章政事卒諡文忠  
明李得成 涑水人少孤  
元末隨母避

寇騎且逼母投河死得成思母不置既長娶王氏  
亦有孝思一夕夢母謂己曰我處水下寒不得出

覺而大慟旦即與妻徒跣行三百里抵死所卧冰  
七日冰融數寸丈恍惚若見母而他處冰堅如故

洪武初舉孝廉永樂  
初官至陝西布政司  
謝定住 廣昌人年十二隨母  
出遇虎將噬其母定

住奮前擊之虎逸去如是者三母  
獲全永樂中召見賜米鈔旌其門  
張鵬 字騰霄涑  
水人景泰

進士授御史剛直尚氣節按大同宣府奉使江南  
皆有聲天順元年偕同官劾石亨曹吉祥不法請

戍遼東尋改廣西亨敗赦還累官  
兵部尚書太子少保卒諡懿簡  
霍恩 字天錫易  
州人弘治

進士除上蔡知縣正德六年流寇竊發恩預為守  
備賊齊彥名遣人勸降恩獲之以尚于軍賊大怒

悉衆攻城思力禦之城陷被執令易服見思叱之  
迫使跪思跌坐地上罵不絕口賊以刃揀其口中  
罵益厲遂遇害項斷無血惟白氣一縷數日後顏  
色如生日猶睜視事聞贈光祿少卿諡忠烈命易

州建忠節坊

立祠以祀

**劉斯潔**

字莪山易州人嘉靖進士歷  
祠祭郎中時嚴嵩秉政卹典

多請寄斯潔屢爭之有藩府奏請優伶抗議不允  
夜遺千金叱却之萬厯時巡撫江西清釐雜賦歲  
省民錢數十萬張居正憾尚書朱衡屬斯潔伺其  
事斯潔笑曰吾豈能殺人以媚人耶後終南京禮  
部尚書

**本朝趙居甲**

廣昌人順治戊子舉人未仕值  
大同總兵姜瓖叛抗節不屈死

**徐喆**

字

吉廣昌人由拔貢授蘭谿縣承有能聲署武義縣  
事耿精忠叛同城把總張奇章潛送款降賊喆方

乘陣拒守為賊所執逼之降詰大罵不屈自經死贈按察司僉事

### 列女唐古元應妻高氏

默攻飛狐應時為金雀氏令高能固守虜引去

易州人金末氏年二十餘夫從軍死氏出入兵刃往復數百里晝伏夜行以其尸歸負土而葬之自

以無子遭時亂乃自經于墓側鄰

### 明霍恩妻劉氏

里救而復蘇守節至八十餘而卒

易州人正定副使劉俊女隨恩之官上蔡賊攻城恩謂劉曰脫有急汝若何劉願同死乃築臺廡後

約曰見我下城即賊入矣及城陷恩拔刀下城劉臺上見之即自縊未絕復以臂刺心死贈宜人與

夫並祀於祠

### 隗好詩妻冀氏

涑水人夫亡值寇亂攜前妻二子及己子避難遇賊

欲殺前子氏哀泣願以己子代賊詢其故義而釋之守節至九十餘歲

### 吳喬妻鞠氏

廣昌人姑患臂痛不止氏籲天願捨臂月代姑姑愈乃斷一臂以完前志又同邑吳安妻郭氏仲孺妻

劉氏俱自縊殉夫

### 本朝趙孀妻萬氏

易州人夫亡孝事哀翁撫孤成立復早卒與婦李氏共守訓四孫皆

為諸生康熙中旌表

### 田虎妻王氏

易州人夫歿有諷以改適者氏閉戶絕食姑諭

之遂奉姑守志以終又本州邱壻妻侯氏邱士愉妻馬氏張履素妻郭氏張蘊華妻孫氏田之棟妻崔氏鄭守花妻孫氏運士功妻李氏姚士奇妻郭氏劉興珂妻繆氏張得玉妻章氏張璠妻李氏史梅妻高氏錢萬選妻雷氏劉璋妻張氏董鐸妻郭氏乾隆二年以來先後詔旌

### 楊振文

### 妻劉氏

涑水縣人年十九而寡遺孤未彌月氏撫孤成立守志三十餘年又同縣傅永正妻

張氏汪憲洋妻錢氏盧繼忠妻翟氏張璠妻孫氏乾隆十二年以來俱以節烈先後旌表

安妻陳氏

廣昌縣人夫故事姑至孝遺孤甫週歲撫之成立又同縣張彩妻李氏王居妻

楊氏並以節著乾隆四年旌表

土產棉

涿水縣出

不灰木

州境出亦出廣昌縣白石山可作火爐等器

粟

明志易州

出鏡

易州出

酒


涿水縣出

按舊志生絹易州最著唐書地理志易州土貢紬今皆無之


又杜佑通典上谷郡貢墨二百挺唐書地理志易州土貢墨今缺人造墨尚云按易水法製附注于此

欽定大清一統志卷三十

天  
地  
人  
三  
才



冀州圖







欽定四庫全書

四

冀州表

漢	信都國	治信都縣	景帝二年	政廣川國	五年國除	為信都郡	中二年復	為廣川國	甘露四年	復曰信都	永平十五年	年改曰樂	成延光元年	年又改曰安平國	信都縣	國治高唐	置	扶柳縣	前漢屬信都國後漢
三國魏	冀州	冀初中自	郭移此												信都縣	國治	扶柳縣		
晉	長樂國	太康五年	改名永嘉	後石勒篡	容德初春	皆置冀州	於此								信都縣	國治	扶柳縣		
後魏	冀州長樂郡														信都縣	州郡治	扶柳縣	真君三年	
齊周	冀州長樂郡														信都縣	州郡治	高唐	信都	
隋	信都郡	開皇初廢	武德四年	郡大業初	改郡為州	政州為郡									長樂縣	州治開皇	初併信都	首縣大業	
唐	冀州	六年移治	下博貞觀	初遷治信	都龍朔二	年改曰魏	州咸亨三	年復屬河	北道						信都縣	州治武德	初復故名	入之開	
五代	冀州														信都縣	州治			
宋	冀州	屬河北東	路慶應八	年曹曼武	軍即度使										信都縣	州治			
金	冀州														信都縣	州治			
元	冀州	屬正定路													信都縣	州治			
明	冀州	屬正定府													洪武初省	入州			

大... 日... 年...

屬安平國	昌成縣	前漢屬信都國後漢永平初改曰阜成屬安平國後辟陽縣北縣前漢俱屬信都國後漢俱省	南宮縣
	阜成縣		南宮縣
	省		南宮縣
景明元年復置屬長樂郡			南宮縣
			北齊廢
分置澤城縣大業初廢			南宮縣
			開皇六年復置仍屬信都郡
			南宮縣
			武德四年屬涿州貞觀元年遷屬冀州
			南宮縣
			皇祐四年省入新河六年復置仍屬冀州
			南宮縣
			南宮縣
			屬冀州咸化十四年遷治飛鳳岡
			南宮縣
			前漢屬清河郡後漢
			綠縣
			安平國
			屬信都國後漢改屬

新河縣

前漢屬鉅  
原郡復漢  
屬安平國

堂陽縣

堂陽縣

堂陽縣  
屬大樂郡

北齊廢

堂陽縣

開皇十六  
年復置屬  
新郡

堂陽縣

屬冀州

堂陽縣

皇祐四年  
省新南宮  
晉改白蒲  
之新河鎮  
澤別屬真  
定府漢復  
六年仍廢  
故周運屬  
冀州

新河縣

太宗四年  
復置縣屬  
冀州至元

新河縣

二十七年  
移治此

棗強縣

前漢屬清  
河郡復漢  
省

棗強縣

復置屬大  
樂國

棗強縣

神珽二年  
併入廣川  
太和申復  
置仍屬大  
樂郡

棗強縣

北齊省廢  
屬信都郡  
開皇三年  
移治

棗強縣

屬冀州

棗強縣

棗強縣

熙寧六年  
省八信都  
十年復置  
仍屬冀州

棗強縣

天會七年  
遷治劉馬  
村

棗強縣

屬冀州

復陽縣

前漢屬清  
河郡

高堤縣

前漢屬信  
都國

平堤縣

前漢屬信  
都國復漢

武邑縣

廣	廣川縣	前漢屬信都國後漢	永初元年分置廣川	王國建光元年國除	內屬清河郡
	廣川縣				
	廣川縣	屬渤海郡後魏置臺郡	臺當於此	置廣川郡	
	廣川縣	改屬長樂	太和初分	廣川郡置	屬長樂郡
		北齊省	北齊省		
				北齊廢	
				北齊廢	
				北齊廢	
				北齊廢	
				北齊廢	
				北齊廢	
				北齊廢	
				初屬東武屬冀州	
				州太宗六年	
				年遷屬冀州	
				屬武邑郡	
				改觀音灌	
				屬武邑郡	
				武邑郡	
				武邑縣	
				武邑縣	
				武邑縣	
				武邑縣	
				武邑縣	
				武邑縣	
				武邑縣	
				武邑縣	
				武邑縣	
				武邑縣	
				武邑縣	
				武邑縣	
				武邑縣	

衡水縣

東昌縣

前漢屬信都國後漢

省

統縣地

大邑曰軍

開皇十六年分武強置西華縣屬冀州大業初省入武邑

衡水縣

開皇十六年分信都

下博武邑

三縣置直

屬信都郡

衡水縣

屬冀州

衡水縣

衡水縣

衡水縣

衡水縣

改屬深州

衡水縣

永平十三年遷於河

東范資碑

仍屬深州





欽定四庫全書

欽定大清一統志卷三十一

冀州

在 京師南六百三十三里東面距一百十里  
南北距一百五十里東至河間府故城縣界四

十五里西至趙州寧晉縣界六十五里南至廣平  
府威縣界七十里北至深州安平縣界八十里東  
南至廣平府清河縣治一百四十里西南至順德  
府鉅鹿縣治八十里東北至河間府阜城縣治一  
百八里西北至保定府束鹿縣治七十五里本州  
境東西距六十里南北距七十里東至棗強縣界  
十五里西至新河縣界四十五里南至南宮縣界  
五十里北至衡水縣界二十里東南至廣平府清  
河縣治一百四十里西南至新河縣治六十里東  
北至衡水縣治四十里西北至保定府束鹿縣治

七十  
五里

分野天文昴畢分野大梁之次

建置沿革禹貢冀兗二州之域

杜佑通典郡理東入兗州之域西入冀州

之春秋晉東陽地戰國屬趙秦屬鉅鹿郡漢高帝

置信都國治信都郡景帝二年改為廣川國五年

國除為信都郡中二年復為廣川國宣帝甘露四

年復曰信都國屬冀州後漢永平十五年改曰樂

成國延光元年又改曰安平國三國魏始移冀州

治此 按冀州後漢治高邑漢末治鄴李吉甫元和郡縣志云魏黃初中始自鄴移理信都 晉

太康五年又改曰長樂國後魏曰長樂郡仍為冀

州治 魏書地形志冀州晉世鄧績治厭次慕容垂治信都皇始二年平信都仍置 齊周

因之隋開皇初廢郡存州大業初州廢仍為信都

郡 隋書地理志開皇初分帶郡信都置長樂縣大業初廢信都入焉樂史太平寰宇記十二年又

改長樂 為信都 唐武德四年復曰冀州六年置總管府是

年移州治下博貞觀元年復治信都府廢龍朔二

年改曰魏州咸亨三年復故天寶初復曰信都郡

乾元初仍曰冀州屬河北道五代因之宋慶曆八年置安武軍節度使屬河北東路金因之元亦曰冀州屬正定路明洪武六年以州治信都縣省入屬正定府

本朝初因之雍正二年升為直隸領縣五

南宮縣

在州西南六十里東西距一百十五里南北距三十五里東至山東東昌府武城縣

界八十里西至趙州寧晉縣界三十五里南至廣平府威縣界二十里北至本州界十五里東南至廣平府清河縣界八十五里西南至順德府鉅鹿縣界四十里東北至藁強縣界二十五里西北至

新河縣界二十五里漢置南宮縣屬信都國後漢屬安平國晉因之後魏屬長樂郡北齊廢隋開皇六年復置仍屬信都郡唐武德四年屬宗州九年遷屬冀州五代因之宋皇祐四年省入新河縣六年復置金元明皆因之本朝初新河縣在州西屬正定府雍正二年還屬冀州少南六十里東西距三十五里南北距六十里東至本州界十五里西至趙州寧晉縣界二十里南至順德府鉅鹿縣界三十里北至保定府東鹿縣界三十里東南至南宮縣界二十里西南至鉅鹿縣治八十里東北至衡水縣治一百里西北至正定府晉州治一百二十里漢置堂陽縣屬鉅鹿郡後漢改屬安平國晉因之後魏屬長樂郡北齊廢隋開皇十六年復置屬信都郡唐冀州五代晉改曰蒲澤割屬鎮州漢復故名周還屬冀州宋皇祐四年省堂陽升新河鎮為新河縣熙寧六年復廢為鎮入

南宮元太宗四年復置新河縣屬冀州明因  
之 本朝初屬正定府雍正二年還屬冀州 棗強

縣 在州東少南二十五里東西距四十五里南北  
距八十五里東至河間府故城縣界三十里西

至本州界十五里南至南宮縣界六十里北至衛  
水縣界二十五里東南至山東東昌府武城縣界

三十里西南至本州界三十里東北至河間府景  
州界五十里西北至衡水縣界二十五里漢置棗

強縣屬清河郡後漢廢晉復置屬長樂國後魏神  
瑞二年併入廣川太和二十二年復置屬長樂郡

隋屬信都郡唐屬冀州五代因之宋熙寧元年省  
入信都十年復置金元明俱屬冀州 本朝初屬

正定府雍正二 武邑縣 在州東北九十里東西距  
年還屬冀州 四十五里南北距六十里

東至河間府景州界二十五里西至衡水縣界二  
十里南至棗強縣界三十里北至深州武強縣界

三十里東南至景州治八十里西南至棗強縣治  
七十里東北至河間府阜城縣界三十里西北至  
深州治六十里漢置武邑縣屬信都國後漢屬安  
平國晉太康十年置武邑郡後魏皇始二年移郡  
治武強以武邑屬之北齊天保七年縣廢隋開皇  
六年復置仍屬信都郡唐屬冀州五代宋金因之  
元初屬東武州太宗六年還屬冀州明因之  
本朝初屬正定府雍正二年還屬冀州

衡水

縣 在州東北四十里東西距五十八里南北距四  
十五里東至武邑縣界十八里西至深州界四

十里南至棗強縣界二十五里北至深州界三十  
里東南至棗強縣界二十五里西南至本州界三  
十五里東北至武邑縣界十八里西北至深州界  
十八里漢信都國桃縣地隋初為信都下博武邑  
三縣地開皇十六年始置衡水縣屬信都郡唐屬  
冀州宋金因之元改屬深州明因之本朝初屬

正定府雍正二年改屬冀州

形勢州據河北之中川原饒衍控帶燕齊稱為都會

東近瀛海則資儲可充南臨河濟則折衝易達

州志

風俗質厚少文氣勇尚義號為疆枝

州志

城池冀州城

舊城周二十四里明弘治元年改築內城方十四里南北西為三大門東面西

南隅為二水門中屢修乾隆十一年動

本朝順治康熙帑修整

南宮縣城

明成化十

四年王築周八里門四城外為陞陞外為堤堤外為重堤本朝康熙十一年重修

新河縣

城外有堤明景泰中築周三里有奇門三濠

本朝康熙十四年重修

棗強縣城金天



會十年土築周四里門三池繞之有  
護城堤 本朝順治康熙中屢修 武邑縣城周

里門四明正統十四年築 衡水縣城 周四里有奇  
城外有濠城南有護城堤 高二丈東北

隅少缺東形曰幙頭城門四明景泰初土築 本  
朝順治初重修乾隆三十一年動 帑改築磚城

### 學校冀州學

在州治東明永樂十九年 南宮縣學 在  
建入學額數二十三名 縣

治東南明洪武初建 新河縣學 在縣治東元至正  
入學額數二十三名 中建入學額數十

五棗強縣學 在縣治東舊在縣治東北明正  
統中遷此入學額數二十三名 武邑

縣學 在縣治東北元延祐七 衡水縣學 在縣治東  
年建立入學額數十五名 明永樂十

二年建立入學 信都書院 在州治內 本朝雍正二  
額數十五名 年州牧魏定國建乾隆三

年州牧喬煇十六年州牧張志奇相繼增修又南宮縣有東陽書院衡水縣有桃城書院各州縣並

有義

學

戶口

人丁三十一萬三千六百五  
又滋生丁五千五百二十三

田賦

田地四萬三千六百三十九畝零額征地  
丁銀一十五萬五千九百二十兩八錢六分零

山川棗山

在州西南五十里山多棗因名又  
武邑縣西南五十里亦有棗山

紫微山

在州東北二十五里又南  
宮縣北五里亦有紫微山  
滹沱河 在州北自保定府東鹿縣流入

合漳滏二水又東北經衡水武邑入武強縣界漢  
書地理志信都縣故滹沱河在縣北東入海舊志

本朝順治二年滹沱河入冀州境者二口一由  
東鹿縣韓村莊至州界趙家莊入漳一由智邱村

四七營溫浪口等村過堤北入漳自合漳後即入  
衡水及武邑縣北又達河間府境舊道自束鹿縣  
南過安平南深州北復東出饒陽縣北歷河間府  
獻縣交河而入漳水今自冀州合漳於是深州安  
平饒陽諸境皆  
無滹沱故迹矣 胡盧河 漳滏二水自趙州寧晉縣  
東北至州西北合滹沱河又東北逕衡水武邑二  
縣北入深州武強縣界即古衡水及長蘆水故道  
也漢書地理志信都縣故漳河在北東入海屬道  
元水經注衡水在鉅鹿縣又北逕南宮縣故城  
西又北洑清出焉又北逕堂陽縣西分為二水其  
一水北出逕縣故城西其右水東北注出石門謂  
之長蘆水東逕堂陽縣故城南應邵曰堂水也又  
東逕九門坡又東逕扶柳縣故城南又東北屈逕  
信都縣故城西其水側城北注又北逕安陽縣城  
東北逕武陽城東又北為博廣池又北逕下博縣

故城東北注衡水衡水又東北逕扶柳縣北逕昌  
成縣故城西又逕西梁縣故城東又東北逕桃縣  
故城北合斯汶故瀆又北為袁譚渡又北逕鄆縣  
東下博縣西又西逕樂鄉縣列葭水注之又東逕  
武強縣北又東逕武隧縣南白馬河注之又東逕  
武邑縣故城北又東北右合張平口故溝又逕東  
昌縣故城北又東北左會潯沱故瀆謂之合口元  
和郡縣志長蘆水在堂陽南二百步信都縣西北  
六十二里衡水縣南二百步武邑縣北三十二里  
宋史河渠志漳河由磁州洺州南入冀州新河鎮  
與胡蘆河合流其後變徙入於大河熙寧三年詔  
程昉相視四年開修袤一百六十里金史地理志  
信都縣有胡蘆河衡水縣有長蘆河武邑縣有漳  
河長蘆河舊志漳河一名清水河新河界西北二  
面去河各三十里又在州西北二十五里衡水縣  
西一里武邑縣西北二十里通志漳滏合流至冀

州之王家莊與潯沱合又二十里至冀州堤北又二十里至衡水縣之浪子橋又七十里至衡水之石橋又四十里至武邑之圍頭又三十里至武邑之趙橋又二十里至武強之小范按衛漳故道遷流無定唐宋以來雖有長蘆胡盧之異名寔皆漳水之下流也今漳水上流東徙經魏縣元城抵館陶入衛僅分一小支由廣宗至新河與滏合滏水會衆流由寧晉洶而出至州界合潯沱河東注謂之胡盧河并不得以漳水目之矣

**古黃河** 在州東南及南宮縣東南棗強縣南桑欽水經張甲河左瀆又北逕經城東繚城西又逕南宮縣西北注澤瀆右瀆又東北逕廣宗縣故城南又東北逕界城亭北又東北逕武強縣故城東又東北逕廣川縣與澤水故道合又東北逕廣川縣故城西又東逕棘津亭南宋史河渠志熙寧元年河決冀州棗強埽北注瀛州元豐四年劉定言王莽河

一徑水自大名界下合大流注冀州又臨清徐曲御河決口恩州趙村壩子決口兩徑水亦注冀州城東元祐二年河決南宮下埽三年決上埽四年決中城中埽大觀二年冀州河溢壞信都南宮兩縣舊志黃路河一名黃瀘河自廣平府清河縣流入經南宮縣東南八十里又北經棗強縣東三十里又東北出至河間府阜城縣合劉麟河今已湮廢其地斥鹵潦水數集蓋即古之黃河也 古

清河

在棗強縣南自廣平府清河縣流入又東北入故城縣界水經注清河自東武城又東北

逕復陽縣故城西又東北流逕棗強縣故城西又北逕廣川縣故城南又東北逕歷縣故城南漳

河在棗強縣東北漳水自山東邱縣東行之一支也自廣平府清河縣流入與河間府故城縣接

界又北經武邑縣南入阜索盧河在棗強縣西北城縣界俗亦謂之老漳河索盧河十里古衛河分

流也自河間府故城縣界流逕縣西  
夾河在武邑縣北三

十里亦漳水分流也自衡水  
鹽河在衡水縣西南

縣界流入又東入滹沱河  
夏則溢其地生鹽故名  
涿水故道自順德府廣宗

又東北逕州城北又東逕衡水縣南至武邑縣界  
合於漳水亦名枯涿漢書地理志信都縣禹貢涿

水亦入海水經注涿瀆東南流逕九門城南又東  
南逕南宮城北又東南逕繚城縣故城北又左逕

安城南又東北逕辟陽亭又北逕信都城東散入  
澤渚西至於信都城東連於廣川縣之張甲故瀆

同歸于海元和郡縣志涿水故瀆在南宮縣東南  
六里樂史太平寰宇記涿水枯瀆西南自南宮縣

界流經州東南二十里又自衡水縣界經武邑縣  
城西舊志今南宮縣東南有虹江一名牛口峪又

有破塘在縣東北二十里疑即古洛河所經今皆埋塞按禹貢之洛水即濁漳信都之洛水乃漳

水一時之徙流漢志即謂禹貢之洛水誤小河渠在南宮縣東有二處

地極青腴舊時民引渠灌田通利渠在南宮縣西五十九里唐

田堂陽渠在新河縣西南唐書地理志堂陽縣西南三十里有渠自鉅鹿入縣境下入南

宮景龍元年開羊令渠唐書地理志衡水縣南一里有羊

流貫城杜村溝在衡水縣西南十里旁有窪地二

患尋塞正德間復疏通之民獲種植之利又武強

湖在武邑縣西北水經注張平口故溝上承武強

湖在武邑縣西南側水有武強故治故湖得其名



焉又東南結而為湖謂之郎君淵湖水北通謂之石虎口又東北為張平澤澤水所泛北決堤口謂之張刀溝北注衛河謂之張平口元和郡縣志武強湖在武邑縣北三十二里葛榮陂唐地理志信都縣東二里有葛榮陂貞觀十一年刺史李興公開引趙照渠水注之舊志在州西南二

里十

### 古蹟信都故城

今州治漢置縣為信都國治後漢更始二年世祖自下博馳赴信都太守

任光開門出迎三國魏為冀州治晉太康五年立南宮王子玷為長樂王因改為長樂國其後石趙慕容燕苻秦皆置冀州于此後魏皇始元年遣王建李栗等攻信都二年平之仍置冀州隋初析置長樂縣大業初省信都入長樂仍為信都郡治唐初復曰信都為冀州治天祐二年改為堯都尋復

故明洪武六年始省入州

扶柳故城

在州西南戰國時中山屬

邑後屬趙國策趙攻中山取扶柳即此漢置縣屬信都國呂后封呂平為侯邑後漢屬安平國晉因之後魏太平真君三年併入堂陽景明元年復置屬長樂郡高齊省入信都水經注縣有扶澤澤中多柳故曰扶柳蕭德言括地志故城在信都縣西三十里州志在州西南六十里俗訛為蒲笠城

辟陽故城

在州東南三十里漢高帝六年封審食其為侯國後置縣屬信都國後漢省水

經注應劭地理風俗記廣川縣西南六十里有辟陽亭故縣也元和郡縣志辟陽故城在信都縣東南三十五里按縣志謂在州西誤

昌成故城

在州西北故趙邑史記趙孝成王十年燕

攻昌成拔之即此漢神爵三年封廣川繆王子元為侯國屬信都國後漢初昌成人劉植據城以迎

光武永平初改為阜城縣屬安平國晉省入信都地理風俗記堂陽縣北三十里有昌城故縣也括

地志故城在信都 桃縣故城 在川西北漢高帝十

縣西北五十里 初元年又封廣川繆王子良為侯國後為縣屬信都國後漢省太平寰宇記故桃城在信都縣西

北四十 五里 南宮故城 在今南宮縣西北漢初置縣高

後漢更始中世祖因王即起至薊南馳至南宮遇大風雨引車入道旁空室馮異抱薪御禹然火世

祖對靈燎衣即此地也齊廢隋復置唐屬冀州元和郡縣志縣東北至州六十二里明成化十四年

縣城為漳水所圮十六年遷于 繅縣故城 在南宮

舊城東三里之飛鳳岡即今縣 漢置縣屬清和郡後漢省水經注洹水逕繅城縣

故縣也太平寰宇記在南宮  
縣東南二十六里故城猶存  
**堂陽故城** 在西漢高帝

十一年封功臣孫赤為侯邑後為縣屬鉅鹿郡地  
理風俗記曰在堂水之陽因名歷代皆為縣宋皇

祐中始省為鎮 按水經注漳水自南宮北流始  
至堂陽元和郡縣志堂陽縣東至冀州六十五里

以道里考之疑即今新河縣治舊  
志作在南宮縣西南二十里誤  
**新河故城** 在今新河

縣西宋初為新河鎮皇祐四年置新河縣于此六  
年省元初復置至元二十七年河溢城圯因移今

治舊志舊城在今縣西  
二十五里入寧晉縣界  
**棗強故城** 在今棗強縣東

二年封廣川惠王子宴為侯邑後漢省地理風俗  
記曰東武城西北五十里有棗強城元和郡縣志

縣西北至冀州六十八里本漢舊縣高帝以留盼  
為棗強侯其地棗木強盛故名太平寰宇記棗強

故城在今縣西南十五里齊天保七年自故城移於今縣東北十八里廣川城隋開皇二年又移於今理舊志金天會四年河溢城圯十年遷于縣西北三十里劉馬村即今治 廣川故城在棗強縣東三十里漢置縣屬信都國十三州志曰城中有長河為流故名元朔四年封中山靖王子頗為侯邑後漢初屬清和國永初元年鄧太后分置廣川王國建光元年國除仍屬清河國晉屬渤海郡後燕慕容垂嘗于此置廣川郡尋廢後魏改屬長樂郡北齊廢太平寰宇記棗強縣東北十八里有廣川故城齊天保七年省因移棗強縣理此隋開皇二年棗強移治今理六年復置廣川縣在今德州界金志棗強縣有廣川鎮即故縣也舊志故城在今縣東三十里舊縣村西枕大河其南十里為董學村董仲舒故里割屬故城其東三里為董家莊東北八里為廣川集割屬景州

煮

棗城

在棗強縣西北十五里魏書地形志棗強有煮棗城元和郡縣志故城在信都縣東北五

十里漢煮棗侯國六國時於此煮棗油後魏及齊以為故事每煮棗油即于此城武邑故

城

今武邑縣治太平寰宇記縣在冀州東北九十里本漢舊縣屬信都國後漢屬安平郡晉太康

十年於此置武邑郡後魏皇始三年移郡治武強高齊天保中省武邑隋開皇六年復置觀津

故城

在武邑縣東南本戰國時趙邑史記趙封樂毅于觀津號望諸君漢置縣屬信都國後漢

屬安平國晉因之後魏曰觀津屬武邑郡北齊省隋開皇十六年復置大業初廢入蓀縣唐武德四

年分蓀縣復置貞觀元年省括地志觀津故城在武邑縣東南二十五里棗強縣東北二十五里王

存九城志武邑縣有觀東昌故城在武邑縣東北津鎮即故縣也今廢漢置屬信都國

本始四年封清河剛王子成為侯國王莽改曰田  
昌後漢省亦名為昌亭水經注衛漳逕東昌縣故  
城北經所謂昌亭也俗名曰東相蓋相昌聲韻合  
故誤西有昌城故目是城為東昌隋書地理志開  
皇十六年分武強置昌亭縣大業初廢入武邑唐  
書地理志武德四年析武邑置昌亭縣貞觀元年  
省太平寰宇記東昌故城在今衡水縣  
在武邑縣東北二十八里衡水故城  
西南舊唐書  
地理志衡水古無此名隋開皇十七年河北大使  
郎蔚之分信都北界武邑西界下博南界置衡水  
縣特築此城元和郡縣志縣南至冀州四十里本  
漢桃縣之地隋置衡水縣縣在長蘆河西長蘆河  
則衛漳故漬也因為名縣志明永樂五年漳水  
溢城壞十三年遷于河東范家墮即今治故城在  
縣西南十五里又有空城在縣  
澤城廢縣在州西  
西二十里周里餘遺址尚存隋開皇

十六年分長樂置縣大業初廢入信都太  
平寰宇記故澤城西晉末築於扶柳澤畔高隄廢

縣在棗強縣東漢置屬信都國後漢省太平寰宇  
記棗強縣東北三十六里有高隄故城一曰雍

氏平隄廢縣在棗強縣東漢地節二年封河間獻  
王子招為侯國屬信都國後漢省太

平寰宇記蓋在今縣東北高隄城  
側近以界內多古隄因以為名 索盧廢縣在棗

東後魏太和中分廣川縣置屬長樂郡高  
齊省入棗強舊志在縣東十五里故縣村蘭相如

臺在衡水縣北元和郡縣  
志在州東北十二里 麥飯亭在南宮縣境漢

難馳至南宮入道旁空舍姚弋仲故壘在棗強縣  
馮異進麥飯後人因築亭姚弋仲故壘東北晉咸

和八年石虎使姚弋仲帥其眾徙居清河之瀨頭  
水經注清河逕廣川縣故城南水側有堯壘姚氏





廢園子堡

在棗強縣西南二十五里達南宮縣界又古營堡在縣南四十五里達清河縣

界流常堡在縣東北二十五里達阜城縣界蕭張堡在縣北二十五里達衡水縣界四堡俱有城

劉中堡

在武邑縣西南二十里有集又孫莊寨堡在縣東南二十五里審婆堡在縣東十五

里趙橋堡在縣北三十里留中堡在衡水縣東二十里四堡皆明嘉靖間立

在縣西二十里周干馬村在衡水縣西南三里又二里明嘉靖中築侯村店在縣西南二十

里舊志縣境多鹽池明初有海盈鹽場在深州故城東後為河水所衝移于縣之干馬侯店二社洪

武九年移鹽山縣蘇棘西流集在新河縣東南二

社永充窰戶

而二社永充窰戶

縣境諸集

以此為最

津梁草橋

在州城西南魏書永平元年李平破元石  
愉於草橋胡三省通鑑注橋在濟水上

橋

在州南四十里田村堡

滄陽橋

在新河縣北三十里接束鹿縣界

安濟橋

在衡水縣城西為滹沱漳滏三河合流所經自天津至順德廣平大名各府米鹽運道忠由此達舊有六孔大橋稱衡水橋歲久傾圮總督方觀承奏請動帑改建乾隆三十一年工竣賜今名

郎子橋

在衡水縣西南四十里

堤堰長堤

在州西北抵寧晉新河縣境長百三十里以防滹沱漳河之漲溢明成化間知州李

德美所築又有珍口大堤在州西五十里與新河縣月堤相接本朝順治十五年因舊堤修築乾

隆二十五年重修

濁漳堤

唐書地理志南宮縣西五十九里有濁漳堤顯慶元年築舊志

有大堤在舊城南三里即古濁漳  
堤又有長堤在縣北直抵本州  
漳水堤在新河縣西唐

書地理志堂陽縣西十里有漳水堤開元六年築  
舊志縣西北去滏陽河各三十里明嘉靖中水溢

舊址衝沒復為堤防自仙汪莊至侯家口  
與舊堤相接萬曆中重修長三十餘里  
衡漳石

堤唐書地理志武邑縣北三十  
里有衡漳石堤顯慶元年築  
護城堤環衡水縣城外高五

丈基高七丈上有垣又舊城堤環舊  
城而西南抵冀州綿亘三十餘里  
沿河堤在衡水縣

西南明弘治十七年築又有劉公  
堤在漳河南岸百步明萬曆中築  
新堤在衡水縣

東北抵深武西南抵束冀亘百餘里  
高三丈廣一丈  
老龍亭閘在衡水

水縣  
八年疏濬  
本朝乾隆二十  
濬滏陽河建閘

陵墓漢張耳墓

在州舊城南門外左城下有祠

竇父塚

在武邑縣東南史記竇皇

后親蚤卒葬觀津摯虞決錄注竇太后父少遭秦亂隱身漁釣墜淵而死景帝立太后遣使者填父

所墜淵起大墳於觀津城南民間號為竇氏青山太平寰宇記觀津邱在縣東南二十七里舊志塚

在觀津城東南三里

南北朝周德帝墓

在州城外帝名肱周武帝祖平齊之後改

葬於此唐張昌齡墓

在南宮縣西北七里

蓋文達墓

在衡水縣東南二十里蓋村有貞觀二十三年于志寧碑記

金路鐸墓

在州西北十八

里明白圭墓

在南宮縣東七十里白塔村子鉞附葬

祠廟董子祠

在棗強縣察院西祀漢董仲舒

蕭晏二公祠

在州西一里高原上

祀宋蕭伯軒元晏戊子明封蕭水府靈通廣濟顯  
應英祐侯晏平浪侯成化七年建祠 本朝順治

問重 段公祠 在棗強縣治內祀明正  
修 德問殉難知縣段世高

### 寺觀開元寺

在州治西北隋名  
覺觀寺唐易今名

### 泰寧寺

在州治東北  
初為草庵在

城北宋太祖徵時所嘗遊建隆中遷改今名元大  
德八年重修至正末兵廢明洪武二十二年重建

本朝順治  
中重修立碑

### 清涼寺

在州西南韓村  
明成化間重建

### 洪濟寺

在南  
宮縣

西二里有皇祐四年石刻千佛  
款式今廢訓導袁澤碑記尚存

### 石佛寺

在南宮縣  
西北七里

有石佛一相傳  
唐垂拱時舊製

### 普明寺

在南宮縣西南三十  
里金大定間賜名

### 普同

### 寺

在南宮縣舊城漢明帝永平十年建唐貞觀中  
重修大耳禪師建塔高十餘丈又定覺寺亦在

舊城唐貞  
元時建  
紫雲觀  
在州治東北一名  
岱嶽觀  
在州  
治東

北元  
建

名宦漢任光

南陽宛人更始以光為信都太守王郎兵起郡國皆降光獨不肯與都尉李忠

今萬修功曹阮况五官掾郭唐等同心固守廷掾持王郎檄白光光斬之於市以徇百姓發精兵四千人城守光武自薊還狼狽不知所向聞信都獨為漢拒邯鄲即馳赴之光開門迎謁拜左大將軍使將兵從旬日三國魏司馬朗河內溫人為堂陽之間兵衆大盛長治務寬惠不行鞭杖而民不犯禁先時民有徙充都內者後縣調當作船徙民恐其不辦乃相率私還助之其見愛如南北朝魏陸俟代人世祖時為冀州刺史時考州郡惟俟與河內太守邱陳為

天下第一源賀樂都人高宗時為冀州刺史鞠獄以情

最賀政為上賜衣元雲文成皇帝弟延興中為冀州刺史留心政事甚得下

情於是合州請戶輪絹五尺李韶狄道人肅宗時粟五升以報雲恩高祖嘉之為冀州刺史清

簡愛民政績之美聲冠當時轉元孚魏宗室肅宗定州父老送出西境相聚而泣時為冀州刺

史勸課農桑境內稱為慈父隣州號曰神君先是州人張孟都等八家屯保林野不臣王命孚至皆

請入城願封隆之蔣人考靜時凡四為冀州刺史致死効力每臨冀部州中舊齒咸曰我封

公復來其得隋和洪汝南人高祖時東夏初平物物情如此情尚梗以洪有威名今領冀

州事甚高構北海人高祖受禪轉趙熒天水西人得人和冀州司馬甚有能名高祖時為



冀州刺史甚有威德。張昺嘗有病，百姓爭為祈禱。冀州俗薄，亦井多姦詐。昺為銅斗鐵尺置之于肆，百

姓便之。上聞而嘉焉。柳璣，河東解人，高祖時兩為頌告天下，以為常法。柳璣，冀州刺史，俱稱寬惠。

張昺，鄭人，高祖時再為冀州刺史。唐劉允之，武德中

令有宋璟，南和人，睿宗時冀州刺史。裴子餘，稷山人，開元初為

裕人稱。五代漢張廷翰，冀州信都人，漢初拜本州刺史，為政寬厚，簡易民甚

愛之。在郡八年，遼數擾邊，廷翰擊走之。周張暉，大城人，世宗時為冀

口東鹿平安博野百八橋武強。宋蔚昭敏，祥符人

等城，命暉護其役踰月而就。翼州城南昭敏率部兵以戰敗之。李端懿，上黨

冀州為政循法  
度民愛其不擾  
張田  
澶淵人仁宗時通判冀州內侍張宗禮使經郡酣酒自恣

守貳無有敢白者田發  
李惟賢  
上黨人仁宗時知其事詔配西陵酒婦  
冀州會遷補禁軍

自隸籍後犯贓汚者皆絀為下軍惟賢曰武士何  
可責以廉節且抵罪在昔今不可以新令繩之帝

為更劉摯  
東光人嘉祐中授南宮令縣賦甚重民  
其制多破產摯援例旁郡條請裁損轉運使

怒將劾之摯固請遂告於朝三司使包拯  
奏從其議民懼呼至泣下曰劉長官活我李冲  
嘉祐

中為信都令與南宮令劉摯清河令  
黃萃皆以治行聞人稱為河朔三令魯有開  
人熙

寧中知冀州增堤或謂郡無水患何以役為有開  
曰備豫不虞古之善計也卒成之明年河決水果

至不能冒堤而止朝廷遣  
劉闕  
北海人為冀州駐使河北民遮誦有開功狀  
泊總管河水漲隄

防壘急聞請郡守開青陽道口以殺水怒  
莫敢任其責聞躬往濟決水退冀人賴之  
李彌遜

吳縣人宣和末知冀州金兵侵河朔彌遜捐金帛  
致勇士修城堞決河護壘邀擊其遊騎斬首甚衆

烏珠北還戒師無犯其城  
烏珠舊作兀術今譯改李政  
靖康中授河北將  
官駐守冀州時知

州權邦彥以兵赴元帥府勤王金兵屢攻城政皆  
却之夜搗其砦所得財物盡散士卒由是人皆用

命俄攻城急有登城者政大呼力戰遂敗走未  
幾政死城遂陷權知州事單某不降自經死  
金

裴莫亨  
臨漢人泰和五年為安武軍節度使歲大  
雪民多凍餒莫亨輸已俸為之調贍及勸

率僚屬大姓同出物以濟  
裴莫亨舊作裴滿亨今譯改  
明楊繩  
洪武初授南  
官知縣兵燹

之餘榛莽彌望繩課民墾治荒地二三年後盡為  
沃壤畝收數鍾時北平守巡官行縣履畝徵稅檄

守令以田賦之多寡為殿最繩論民曰墾田雖多  
慎無具報北鄙為朝廷重地奈何盡民之力吾以  
此得罪無憾也故今南隆英利津人宣德中知南  
宮之賦視他邑稍輕隆英官縣春夏常巡省郊  
野課農事止大樹下集士女教以孝弟勤儉時神  
武衛二指揮持牒至縣占地為屯英曰惟吾廳事  
前乃隙地耳此外皆吾民常業不敢聞段秀澤州  
命兩人知其廉介不可奪乃舍之而去段秀澤州  
籍錦衣衛正德中以給事中謫東強知縣流賊來  
攻秀誓衆固守矢石俱發殺賊二百餘人賊攻益  
急城陷死之贈彭士宏遼東錦州人崇禎中為南  
太僕寺少卿彭士宏官知縣十七年流寇陷城  
脅之降不屈賊殺之既死有崔賢代州人崇禎末  
白氣上升士民塑像祀之崔賢為新河令莅事  
月餘兵逼城賢嬰  
城固守城破自殺

本朝張恒

臨晉人順治三年授衡水知縣兵燹後土寇時發恒一意息民罷革諸弊民建祠祀

之

人物漢竇嬰

字王孫孝文皇后從兄子觀津人孝景即位為詹事竇太后愛帝弟梁孝王孝

王朝因燕上從容曰千秋萬歲後傳王嬰進曰天下者高祖天下父子相傳漢之約也上何得傳梁

王吳楚反拜嬰為大將軍賜金千斤嬰言袁盎藥布諸名將賢士進之所賜金令軍士取用無入家

者七國破封魏其侯武帝初為丞相時太孟但川后好黃老而嬰好儒術以是不合遂免去孟但川

川受易東武王同子中秦恭信都人從平陵張山元光中為大中大夫拊受尚書增師法至

百萬言為邳彤字偉君信都人世祖循河北以形城陽內史邳彤為和成太守王郎兵起世祖自薊

還失軍欲至信都彤選精騎緣路迎軍會於信都時衆議欲西還長安彤諫乃止即日拜為後大將軍使將兵居前常從戰攻信都復反為王郎捕繫彤父弟及妻子使為手書招彤彤泣報曰事君者不得顧家會別將拔信都家屬得免建劉植字伯武元年封靈壽侯永平中圖畫雲臺

鹿昌城人王郎起植率宗族據昌城開門迎世祖以為驍騎將軍又說劉楊降世祖因得進兵拔邯鄲從平河北

**三國魏牽招** 字子經觀津人年十餘歲詣同縣樂隱受學後

隱為車騎將軍何苗長史招隨卒業京都亂隱見害招觸蹈鋒刃殞其屍送喪歸道遇賊欲斫棺招垂淚請救賊義之乃釋而去由此顯名素紿辟為督軍從事後歸太祖從討烏桓還鄴睹素尚首懸馬市悲感設祭頭下太祖義之拜平盧校尉文帝踐阼拜使持節護鮮卑校尉屯昌平復為雁門

太守明帝賜爵關內侯晉馮恢長樂人恢父為太  
在郡十二年威風遠震守愛少子淑欲以太

爵傳之父終服闋乃還鄉里結草為廬陽  
瘠不能言淑得襲爵始仕為博士祭酒隋劉焯

字士元信都昌平亭人以儒學知名舉秀才射策甲  
科與王郅同修國史兼參議律歷仍直門下省以

待顧問後與諸儒於秘書省考定羣言與楊素牛  
宏蘇威等共論古今滯義素等莫不服其精博後

免官歸以教授著述為務劉炫名亞于焯故時稱  
二劉論者以為數百年來博學通儒無能出其右

者馮慈明字無佚信都長樂人大業間拜尚書兵  
曹郎攝江都郡丞事李密逼東都詔慈

明安集溼洛為密黨所執潛使人奉表江都及致  
書東都留守論賊形勢密知其狀義而釋之出至

營門賊帥翟讓責之慈明勃然曰吾豈從汝求活  
耶須殺但殺何須罵詈讓怒亂刀斬之贈銀青光

夫 **唐孔穎達** 字仲達 衡水人 八歲就學 誦記日

書詩禮記王氏易善屬文通步歷隋大業初舉明  
經高第太宗授文學館學士貞觀初轉給事中數

以忠言進除國子司業進太子右庶子與諸儒議  
歷及明堂事多從其說拜祭酒侍講東宮太子稍

不法穎達爭不已後致仕卒陪葬昭陵諡曰憲初  
穎達與顏師古等受詔撰五經義訓凡百餘篇號

義贊詔改 **蓋文達** 冀州信都人博涉前載尤明春  
為正義云 秋三家刺史實抗集耆儒劉焯

劉軌思孔穎達等講論文達依經辨衆皆諸儒意  
所未叩一坐嘆服貞觀初擢諫議大夫後拜崇賢

館學士宗人文懿亦以儒學稱時號二蓋為國子  
助教既升席公卿更相質問文懿譬曉密微遠近

宗仰終國 **蘇定方** 名烈以字行武邑人驍悍有氣  
子博士 決貞觀初從李靖襲突厥頡利



於磧口為前鋒馳殺數百人餘黨悉降與程明振  
討高麗破之從程知節征賀魯率精騎搗其營賊  
衆大潰復為大總管縛賀魯以還由是唐之州縣  
極西海策功拜左驍衛大將軍封邢國公又降思  
結闕俟斤都曼平百濟凡滅三國皆生執其王  
累拜涼州安集大使卒贈幽州都督諡曰莊張

昌齡

南宮人與凡昌宗皆以文名貞觀末翠微宮  
成獻頌闕下召見試息兵詔少選成文帝大

悅俄為崑山道記室平龜茲露布為世所稱賀蘭  
敏之奏預北門修撰昌宗官至修文館學士撰古

文紀年新杜景佺武邑人性嚴正舉明經累遷司  
傳數十篇刑丞與徐有貞來俊臣侯思止

專治詔獄時稱過徐杜者生來侯者死延載元年  
同鳳閣鸞臺平章事武后嘗季秋出梨花示宰相  
以為祥庶賀景佺獨曰陰陽不相奪倫瀆則為災  
今草木黃落而梨復華瀆陰陽也臣位宰相助天

治物而不和是臣之咎后曰蘇安恒武邑人明周真宰相後出為并州長史

蘇安恒武邑人明周官春秋左氏

學武后末年太子雖還東宮政事一不與大臣畏禍無敢言安恒投匭上書勸后傳位后召見厚慰

遣之明年復諫曰今太子年德已盛尚俞有大寶忘母子之恩何顏面見唐家宗廟入帝陵寢書聞

不報魏元忠為張易之兄弟所構安恒獨申救易之等大怒遣刺客邀殺之賴桓彥範營解乃免神

龍初為人所讒死獄中宋荆罕儒信都人周顯德審宗立贈諫議大夫初以驍勇為指

揮使世宗征太原命罕儒率步卒先入敵境罕儒令人負束芻徑取太原城焚其東門建隆初為晉

州兵馬鈐轄與楊鈞戰死罕儒輕財好施在秦州時有供奉官張奉珪自言後唐張承業之子罕儒

厚加禮待遺錢五十萬米千斛雖不知書好禮接儒士常欲削平太原志未果而及于敗人皆惜之

荆嗣

罕儒從孫初應募從李繼勳討河東進薄汾河敗賊將楊業太宗時從征太原及幽州皆

率先陷陣斬獲甚衆累遷都指揮使真宗時為虢州防禦使邠寧環慶副都署卒嗣起行間以勞居

方面經百五十餘戰

耿全斌

信都人少豐偉父顥攜謁陳搏搏謂有藩侯相太宗在藩邸召

試武藝隸帳下稍遷副兵馬使從征太原還遇遼兵於蒲陰追擊敗之屯瀛州與遼戰馬中流矢凡

三易乘戰不却在軍中有能名真宗召問邊事口陳利害稱旨歷知邊郡終濮州鈐轄李超

信都人常從潘美軍中主刑刀美好乘怒殺人超每潛緩之美怒解輒得釋以是全者甚衆人謂其

有陰德子濬字得淵中進士景德初為侍御史從幸瀘淵上疏言便宜權秘密直學士范廷

名東強人父鐸為里中惡少年所害廷召年十八手刃父讐雍熙三年北征為幽州道前軍先鋒

都指揮使克固安新城二縣乘勝下涿州復與賊  
戰中流矢神色自若督戰益急詔褒之至道中討  
李繼遷廷召出延州路獲軍主吃羅等兵器鎧甲  
數萬咸平二年與遼戰有功加檢校太傅廷召在  
軍四十餘年凡王翰南宮人母喪明翰自扶右目  
親征未嘗不從王翰睛補之母自明如故淳化中  
詔賜張存字誠之冀州人天禧中詔銓司以身言  
求帛書判取士才得二人存與其選歷殿中  
侍御史仁宗初親政罷百官轉對存復請之積遷  
禮部尚書存性孝友收恤宗族嫁聘窮廢不使一  
人失所家居矜莊子田况字元均信都人少卓犖  
孫非正衣冠不見田况有大志舉進士甲科又  
舉賢良方正趙元昊反夏竦經畧陝西辟為判官  
時竦與韓琦尹洙等畫上攻守二策朝廷將用攻  
策况上疏陳七不可於是罷出師議又言治邊十  
四事遷右正言尋為陝西宣撫使况有文武材言

事精暢有奏  
議二十卷  
金路伯達  
字仲顯冀州人性沈厚有  
遠識博學能詩登正隆進

士章宗時累遷刑部郎中上問羣臣何道使民務  
本業廣儲蓄對曰布德流化必自近始請罷畿內

採獵之禁廣農郊以示敦本時採捕禁嚴畿外數  
百里皆厲禁故伯達及之累拜安武軍節度使卒

贈大中呂仲孚  
南宮人能詩  
路鐸  
字宣叔伯達子  
性剛正章宗時

歷官臺諫有直臣風泰和六年為翰林待制累除  
孟州防禦使貞祐初城陷投沁水死所著詩文號

虛舟居元張晉亨  
字進卿南宮人從嚴寔歸元涉  
獵書史小心畏慎臨事周密寔

器之以女妻馬屢從攻戰有功寔卒其子忠濟奏  
晉亨權知東平府事歷七年吏畏民安至元初累

官淄萊路總管明白圭  
字宗玉南宮人正統進士  
戍鎮江卒官除御史監朱勇軍討烏梁

海有功出按山西辨疑獄百餘事天順初以右副都御史與方瑛討平貴州東苗千把豬等湖廣災就命圭巡撫召為兵部右侍郎巡邊敗波賚於固原州進工部尚書成化元年流賊聚嘯荆襄勅撫寧伯朱永往勦以圭督軍務擒賊渠劉通石龍餘寇恚平加太子少保改兵部尚書兼督十二團營卒贈少傅諡恭敏圭性簡重公退即閉閣卧請謁皆不得通次子鉞字秉德進士及第授編修累官太子少保禮部尚書習典故以詞翰稱卒贈太子太保諡文裕烏梁海舊作兀良哈波賚舊作孛來今孔環字伯循南宮人正德中以歲貢授來安譯改孔環知縣忤劉瑾黨左遷西華教諭六年盜起霸州奄至西華城陷被執賊持刃脅之降環厲聲罵曰我為國家臣肯從逆賊以求活耶遂被害詔賜一劉濂字濬伯南宮人正德進士擢御史時子冠帶劉濂郭勛驕恣不法於武舉異上與尚書

爭坐濂劾之勛遂奪職嘉靖初罷各省鎮守中官  
諸近侍欲留承天鎮守濂曰留一人是復鎮之根  
也因發其窩盜事帝大怒覈實逮鎮守中官潘某  
與嘗言不當罷者杖殺之嚴嵩為禮部尚書將有  
入閣之命濂上疏極言嵩貪詐不可用

劉文蔚

新河

人崇禎末由歲貢為淮安府通判大兵攻城文  
蔚竭力率家象守禦城破猶巷戰被執不屈死

賜諡節愍  
本朝乾隆四十一年

趙懋賢

新河人以恩貢授韓城縣  
丞崇禎末分守西門城破

賜入忠義祠  
死之本朝乾隆四十一年

本朝崔燦

東強人明崇禎舉人順治五年知耒陽縣  
值土寇亂率僕役出戰被執憤罵不屈過

害  
宋文運

字開之南宮人順治己丑進士授滋陽  
知縣值軍務旁午以勤幹稱擢吏部文

選主事銓政澄清悉協才望累遷順天府尹不數月釐革夙弊殆盡豪猾斂跡進刑部侍郎以刑獄至重戒諸司毋得瞻徇紛更加太子少保卒諡端愨

**吳仲廣** 東強人父為族弟仲大祥俱幼未能報及長乃共持梃擊死殺父者詣縣爭首繫獄時家貧甚三人妻竭織紡以供索贖五年不懈一門孝義遠近稱之

**列女金路伯達妻傅氏**

伯達使宋還獻所得金銀以助邊未及上而卒傅氏言之

朝章宗以金還之傅泣請弗許傅以伯達嘗修冀州學乃市信都東強田以贍學有司以聞上賢之賜號成

**元曹泰財妻劉氏** 衡水人通孝經及小學德夫人

氏有色露刃脅之氏不從乃盛陳金玉珠璣以錦繡衣其身氏碎裂之賊強擁上馬投地數四賊怒



繫其頸於馬上曳之氏以頭觸明陳和妻高氏武石流血被面罵不絕口遂被殺

人和為諸生早卒高獨持門戶奉翁姑甚孝及宣德時翁姑並沒氏以禮殯葬時年五十矣泣謂子

剛曰我父洪武間舉家客河南虞城父死旅葬城北母以棗木小車輶識之比還家母亦死弟儒不能

自振吾三十年不敢言者以翁姑在堂當朝夕侍養也今大事已畢欲往舁父遺骸歸而合葬剛

即隨母往虞城抵墓所塚纍纍不能辨氏以髮繫馬鞍逆行自朝及夕至一小塚鞍重不能前即開

其塚所識車輶宛然遠近觀者咸驚異贈遺以歸故母穴同葬孟著妻孫氏南宮人著

為御史卒氏年二十食貧訓蔡甫原妻范氏隸強子苦節終其身宣德中旌表

二十四夫死父母欲嫁之氏不從奉其姑盡孝教育諸子俱成立宣德中旌表又同縣宋亮妻高氏

年二十六亮嬰病氏日夜籲天求以身張繼祖妻  
代及亮卒守節五十餘年成化中旌表

杜氏

冀州人繼祖為給事中氏相夫教子皆合禮  
度正德七年盜起杜倉卒隨諸姬匿草澤中

賊搜得之迫上馬杜伏地大罵遂遇害同時南宮  
關景妻陀氏棗強張氏和氏二女皆為賊所逼厲

罵不從 韓天德妻王氏

冀州人崇禎辛未城破氏  
年二十一抱幼子避難被

執不從 母

賈還素妻尹氏

南宮人年十七歸賈戊  
寅城陷有子尚在襁褓

擇老婢付之曰罹此禍亂幸而得  
生辱吾家門戶多矣遂投井死

劉仁妻傅氏  
新

人流賊入城被執驅之行不從賊以繩繫  
氏頸于馬項氏厲聲罵不絕口賊怒殺之  
王祚昌

妻陳氏

冀州人崇禎末城陷賊執之以行氏拒之  
脅以刃顏色不變度不可屈遂支解之

本朝張庚次女

南宮人父進士母早歿育於祖母嫻內則女誠列女傳諸書許字鴻臚楊

若柏子之玉未嫁之玉病死女聞訃自經  
救免請奔喪旦夕哀毀及大祥遂不食死  
邢鑣妻

李氏

南宮人年十三歸鑣暴卒氏年僅十五一  
慟而絕救之復甦尋以哀悴卒又衡水李有

謙妻蘇氏夫  
亡自縊死

宋進城妻張氏

棗強人又同縣馮之  
秋女根姐武邑滕國

風女又同縣王五妻楊氏衡水李旺山妻屈氏皆  
以不辱強暴死又南宮王修真女五姐許字楊貞  
先未婚貞先欲犯之女守禮  
不從遇害俱康熙中旌表  
王汝書妻耿氏  
衡水人汝

書歿耿絕粒而死汝書之弟汝詩妻杜氏夫歿葬  
畢亦不食死人稱一門雙烈又邢端立妻劉氏冀  
州人劉才起妻郝氏南宮縣人俱以  
不辱強暴死乾隆元年以後旌表  
謝明善妻劉

氏 冀州人家貧夫故翁老且病氏拮据以供藥餌  
翁歿鬻釵鈿營喪葬苦節六十年又本州陳以

常妻韓氏曹欽曾妻李氏金宏基妻 安錫妻周氏  
沈氏乾隆十四年以來先後 旌表

南宮縣人年二十一夫故誓不再嫁引刀割毀其  
面守志三十餘年又同縣杜潤妻孫氏齊維新妻

路氏李振宗妻房氏宋宏緒妻魏氏喬爾信妻謝  
氏尚皆吉妻鮑氏馬大成妻李氏馬洵妻李氏范

通妻宋氏范柔妻安氏鮑橘妻曲氏尚衡吉妻高  
氏李洛妻王氏陳子錢妻孟氏王祥昇妻張氏並

以節著乾隆二 程夢熊妻趙氏 新河縣人青年夫  
年以後 旌表 志終身不渝同縣

陳鍾義妻梁氏俱以守節 李色明妻霍氏 東強  
隆二十四年以來 旌表 縣人

夫故氏年十七越五月生遺腹比長娶江氏得一  
孫未週而江又寡而世清操人稱雙節又同縣趙

士端妻錢氏鄧元昇妻王氏錢晟妻王氏曹鹿麟  
妻顧氏李仙源妻丁氏步丹桂妻梁氏步成光妻

張氏王菁妻高氏龍起淵妻吳氏左士修妻商氏  
賈士桂妻劉氏鄭文明妻賀氏王正志妻李氏李

仙鍾妻王氏朱洪恩妻石氏袁銓妻劉氏武邑縣  
乾隆元年後並蒙旌獎

婦相繼歿遺孤甫離襁褓氏撫育成立以承宗祀  
守節歷四十餘年又同縣李蹤妻翟氏徐瑞妻劉

氏翟兆鳳妻李氏呂倫妻李氏李采芹妻滕氏姚  
永才妻喬氏趙秉方妻陳氏均于乾隆三年後題

請表張景星妻劉氏衛水縣人夫亡無子撫姪承  
祀守志四十餘年又同縣劉

仁妻王氏王秉衡妻李氏乾隆  
元年以後均以節烈旌表

仙釋唐邊洞元東強人自幼居紫雲觀後得道白日  
上昇唐玄宗御製文褒之碑刻尚存

於觀

土產綿絹

唐書地理志冀州貢

草履子

太平寰宇記冀州土產

木棉

州志近有

紫花  
罷又州志

又按唐六典冀州貢鹿角膠久  
舊有火鹽今無附註於此

欽定大清一統志卷三十一

Handwritten characters, possibly representing the number 12 or a similar symbol.

Handwritten characters, possibly representing the number 666 or a similar symbol.

Handwritten symbol, possibly representing the number 100 or a similar symbol.

趙州圖









趙州表

漢 三國魏 晉 後魏 齊周 隋 唐 五代 宋 金 元 明

趙州

前漢山  
縣在二郡  
地後漢常  
山國地

平棘縣

屬常山郡

封斯縣

前漢屬常  
山郡後漢

省

平棘縣

前漢屬  
常山郡後漢

趙州地

平棘縣

平棘縣  
屬趙國

平棘縣

趙郡治

趙郡  
治平棘

平棘縣

趙郡

平棘縣

郡治

趙郡  
開皇初郡  
廢改置縣  
州大業初  
復為郡

平棘縣

州治

趙州  
武德初改  
州治相  
州大業初  
復為郡

平棘縣

州治

趙州  
初亦曰趙  
州大業初  
復為郡

平棘縣

府治

慶源府  
大德三年  
改名

平棘縣

州治

沃州  
正定路

平棘縣

趙州  
屬正定府

平棘縣

入州

趙州

大邑日更

平

平

平

平

平

平

平

平

平隆	縣 鄉 栢	省
	<p>栢鄉係屬 前漢屬鉅鹿郡後漢省</p> <p>鄆縣 前漢屬常山郡後漢更名曰高邑五貨州治</p>	<p>宋李縣 前漢屬鉅鹿郡後漢省</p>
	高邑縣	
	高邑縣	<p>宋李縣 永安二年復置仍屬鉅鹿郡</p>
南趙郡	高邑縣	北齊廢
南趙郡	<p>北齊天保六年徙廢</p>	
南趙郡	<p>開皇初郡廢十六年置隸州大</p>	<p>開皇初復置屬隸州大齊初省入平棘縣</p>
南趙郡	<p>高邑縣屬之</p>	<p>武德初屬趙州治四年徙治平棘縣屬之</p>
南趙郡	<p>高邑縣屬之</p>	<p>高邑縣屬之</p>
南趙郡	<p>高邑縣屬之</p>	<p>高邑縣屬之</p>
南趙郡	<p>高邑縣屬之</p>	<p>高邑縣屬之</p>
南趙郡	<p>高邑縣屬之</p>	<p>高邑縣屬之</p>
南趙郡	<p>高邑縣屬之</p>	<p>高邑縣屬之</p>

北齊天保六年徙廢

開皇初郡廢十六年置隸州大

武德初屬趙州治四年徙治平棘縣屬之

高邑縣屬之

高邑縣屬之

開皇初復置屬隸州大齊初省入平棘縣

武德初屬趙州治四年徙治平棘縣屬之

高邑縣屬之

高邑縣屬之

縣

廣阿縣

前漢屬鉅鹿郡

省

梁氏縣

前漢屬鉅鹿郡

高邑縣

房山縣

屬帝山郡

房山縣

房山縣

國治

房山縣

屬趙郡

高邑縣

齊天保七年廢房山縣屬高邑縣

初屬高邑縣

高邑縣

屬趙郡

高邑縣

屬趙郡

高邑縣

屬趙郡

高邑縣

屬東源府

高邑縣

屬漢州

高邑縣

屬漢州

高邑縣

屬漢州

高邑縣

屬漢州

廣阿縣

州郡治太

和十三年

復置

廣阿縣

郡治

廣阿縣

開皇中為

武德五年

樂州治今

復置

廣阿縣

屬趙州天

武德初改曰

屬趙州天

廣阿縣

屬趙州天

武德初改曰

屬趙州天

隆平縣

開皇二年

隆平縣

隆平縣

隆平縣

隆平縣

隆平縣

隆平縣

隆平縣

隆平縣

隆平縣

隆平縣

隆平縣

隆平縣

隆平縣

隆平縣

趙國

治房子縣

冀州刺史

理所

魏廢

臨

房山縣

房山縣

臨城縣

臨城縣

臨城縣

臨城縣

臨城縣

臨城縣

臨城縣

欽定四庫全書

城縣

寧 鉅鹿郡

附 後漢 鉅鹿郡

晉 鉅鹿郡

附 後漢 鉅鹿郡

慶陶縣

前漢 鉅鹿郡 附 後漢 鉅鹿郡

鉅鹿郡

鉅鹿國

鉅鹿郡

北齊 鉅鹿郡

省入 慶陶

慶陶縣

慶陶縣

慶陶縣

寧晉縣

寧晉縣

寧晉縣

寧晉縣

寧晉縣

寧晉縣

慶陶縣

慶陶縣

慶陶縣

北齊 省入 慶陶

國治

屬 鉅鹿郡

置治 楊氏

開皇六年 改名 魏郡

屬 魏州

屬 魏州

屬 魏州

屬 魏州

開皇六年 置 魏州

隋 魏州 天 隋 魏州 天 隋 魏州 天

後唐 魏州

魏州